

Hâmbâi tetewuap yakât den.

Yesu Kiristone yu ya teteningiwuap yakât topne sâm teteop.

¹ Nâ Yeweri nanne, Yoane. Anjoânâk Yesune hon bawalipne 12 nen menenehop. Nâ yâk yengât komolân gâtne nâne pepa yu kulemgum katyngian. Yakât topne yuwu.

Anitâhât biwi nângân nângânñan tatmap yapâ Yesu Kiristone den yu nângâmu bulâne otmu anelone âlâ hângângum yuwu sâm ekuop. “Nâhât komot anjoân den yukât topne sâm ekyongowan yamâ sâp yiwerene yu sâm tetekñan tuhum yu ekgohowe. Ekgohomune pesuk sâmu yâkne nângânjetâ keterahâkgât gâ hângângohomune hânân ge sâm tetem ekyongowuat.” Yawu sâm hângângumu gem nâhâlen den yu sâm teteop.

² Sâm teteop yakât topne yuwu tap. Yu me ya hâmbâi tetewuap yakât Anitâne sâm kalop ya sâm tetem yen Yesuhât komot galemne mansai yuwu sâm ekyongomune nângânjet.

³ Sâp pato utâpguap. Yakât otmâ yeje yen yu me ya tetewe sâm oap yakât den yu sâlikumâmâ Yesuhât komot sâm tetem ekyongonomai. Otmu lohimbî nombotñaneâmâ den yu nângâm lâum mannomai yamâ Anitâne mâmâne otyingimu herone otmâ mannomai.

Yesu Kiristo yâkât topne

⁴⁻⁶ Nâmâ Yoane. Nâne Asia hânân Yesuhât komot kapi nombolân yâhâp ya yengât pepa yu

kulemgum katyiŋgiwoman. Yakât yen sâlikum topŋe nâŋgânomai. O Bukulipne, yengât nâŋgâm nâŋe Anitâ yuwu sâŋ ulitguman.

“O Anitâ, gâ tatmâ gaon, tatmâ gat, yaŋak tatmâ yâhâwuat. Otmu Wâtgât mâmâŋahât Heak ya gâhâlen tatmap yaŋe Asia hânân kapi nombolân yâhâp tatmâ arap ya ambolipŋe mâmâŋe otyiŋgimu yengât biwiyenŋe sânduk sâmu manŋetgât nâŋgâm mepaeheksan. Anitâ gike enŋatgeâk nange hânŋângurâ ge gâhât tem lâuhihim kinmâ topge sâŋ teteop. Sâŋ tetemu lohimbi nombotŋaŋe ekŋetâ bâlemu kuŋetâ muop. Otmu yaŋak mumuŋambâ yahatnomgât mâtâp aŋgoân mem kusâŋningiop. Mumuŋambâ yahatmâ hânŋe hânŋe lok kutdâ topŋe topŋe mansai yengât kunyene tatmap. Yawu tatmap gârâmâ lohimbiŋe yâkâlenâk biwiyenŋaŋe kepeim manmâ yâhânomai yanâmâ himbingât pat kuyiŋgiop yakât bonŋe ya menomai. Yawu.” Yawu sâŋ yengât nâŋgâm Anitâ ulitguman.

Otmu Yesuhât topŋeâmâ yuwu. Yâkŋeâmâ nengât tepŋe dondâ nâŋgâningimap. Yawu nâŋgâningim Anitâŋe âi sâŋ waŋop ya biwiŋaŋe kepeim manmâ nengât tosaŋhât otmâ kawenenŋan kinmu kuŋetâ muop. Mum yahalop. Yakât otmâ biwinenŋe yâkâlenâk kepeim manmunŋe himbingât pat kuniŋgiop. Yakât nâŋgâm nen aŋun ki otne. Anitâ tâŋ tâŋâk mepaem ulitgum manmâ yâhânehât Yesuŋe mâtâp mem kusâŋningiop. Otmu Yesuŋe mâmâŋe otniŋgimu Anitâhât tem lâum âiŋe tuhûm yâhânehât mâtâp ya gurâ yawuâk mem teteniŋgiop. Yâhâmâ Laŋiŋe otmu

Wâtgât Amboņe. Yakât otmâ mepaem manmâ yâhâmbisâin.

⁷ Bukulipne, yuwu sâmune nâņgâņet. Yesuņe elem kulewoņboņ kakņambâ âwurem gewuap. Gemu yan lohimbi nombotņane kasa otbaņgim mem tuhuwiņe ekmâ isem matņe yingiwuapgât tep bâle nâņgânomai. Otmu lohimbi nombotņane yâk yeņgâlen torokatmâ yâkât kasa manmai ya gurâ yawuâk isem tep bâle nâņgânomai. Ya bonņanâk.

⁸ Anitâ Ambonenņe yâhâmâ emelâk embâņân hân himbim ki kândikyotgop yapâek tatmâ gaop. Otmu torokatmâ tatmâ yâhâwuap yakât kakņan tatatņe pesuk sâwuapgât dop âlâ ki tap. Yakât otmâ yâhâmâ wâtņe pato nandoroņe tatbaņgiap. Otmu Anitâņe yuwu sâop. “Nâņe sâmune hân himbim âliwahap topņe topņe ki tete teteņambâ teteheop. Otmu yâhâpņe sâmune biatbuapgât dop gurâ tatnihiap.” Yawu sâop.

Wâtgât mâmâņahât Heakņe Yoanehât biwiņe mem purik pilâmu ehop.

⁹ Bukulipne, yenâmâ Asia hânân Yesuhât komot mansai. Yeņe Yesuhât den pat âlepņe sâm lohimbi ekyongonetâ, lok nombotņane nâņgâņetâ ki ârândâņ otmu, mem ge katyekne sâm mem bâleyekmai. Otmu nâ gurâ yawuâk mem bâlenekmai. Yawu otningiņetâ nenņe ki lohotņe otmâ kinmain. Yawu otmâ sâp ârândâņâk Yesuhât lau lâum kinmâ hoņ bawaņgim gamain. Otmu nâņe Yesuhât den pat ya lohimbi ekyongomune yawuâk lok nombotņane gurâ nâņgâņetâ bâlemu nâ menekmâ mâtuņa âlâ, kutņe Patimo sâm, yan katnekrjetâ mansan.

10 Manmune Sande âlâen Anitâņe ikņe Wâtġât mâmâņahât Heak hânġângumu ge biwine mem purik pilâop. Yawu otmu den kârikņe isemu nânġâwan. Yâhâ den nânġâwan yamâ lâmun kunmain yakât dopņe bia, ya wangim isemu nânġâwan. Otmu yuwu sâm eknohop.

11 “Yoane yu me ya senņan yiwerene tetemu eksat. Yawu ġârâmâ ġâņe pepa mem kulemgum katdâ Asia hânân kapi tipi tapi nombolân yâhâp tai ya yengât dopyenņan arimu sâlikum nânġânomai. Kapi yamâ kutyeņe, Simirina, Epeso, Peahamon, Tiatira, Sariti, Pilarepia, Laorika yawu. Pepa yu yengât kulemgum katdâ arimu ekmâ sâlikum nânġânomai.” Yawu sâm eknohop.

12 “Den yu âlâņe eknohoap” yawu sâm enġatne kakņambâ olelem lambe nombolân yâhâp golinġak tuhuwi yan sem kinmu ekban.

13 Otmu ya yengât hohetyenņan lokbân kundenņe yawuya kinmu ekban. Otmu sânġum kaok âlâ hârândânġâk mânunġakmâ kinop. Yâhâ enġatņanâmâ kâiput kâlep golinġak tuhuwi ya âmbâkum kinmu ekban.

14 Yâhâ somotņe yamâ iwit iwit pato elembân kaok ekmain yawuya. Yâhâ senņe yamâ kâlâp nimbilamņe yawuya.

15 Yâhâ kâiņe yamâ kât sem hiņ hurundunġ sâmap dop yawuya. Yâhâ denņe munņeâmâ to tâlâm pato yerâm kinmu munņe nânġâmain yawuya.

16 Otmu pitu nombolân yâhâp ya bânņe bonânġen mem kinop. Otmu lauņambâmâ tewet konohâk yamâ sâtņe nombot nombot nelanġ nelanġ ya ge kinop. Yâhâ kun kundenņe yamâ sikop hâumu irik irik sâmap dop yawuyaņe laņinņe pilâop.

17 Yawu tetem kinmu ekmâ kiŋgitnahât otmâ kâiŋe topŋan ba pare pare otmâ mum yawu iwan. Yawu imune lok yaŋe bâteŋe bonâŋen mem katnekmâ yuwu sâŋe eknohop. “Kâmbuk, kiŋgitgahât ki ot. Hâlihâk kindâ topne sâŋe tetem ekgohowe.

18 Anŋoân embâŋân Anitâŋe hân himbim ki kândikyotkop yapâek tatmâ gawan. Otmu lok otmune yaŋak benŋe nohoŋetâ muwan. Otmu mumuŋambâ yahatmâ tan. Otmu tatmâ yâhâmbisân. Nâmâ manman kârikŋe amboŋe. Yakât otmâ yâhâpŋe mumbomgât dop âlâ ki tap. Manman kârikŋe manmâ yâhâwom. Yawu gârâmâ lohimbi torokatmâ manŋet me hiliwahoŋet yakât nâŋe konok sâŋe pesuk sâwuap. Otmu lohimbi nombotŋe mum hemgât pat oai yâk holaŋyebom me hemân hâpunyebomgât dop ya gurâ yawuâk. Yamâ nâhât wahap. Topne yawu.

19 Otmu nâŋe sâp yiwerenahât me hâmbâihât tetewuap yakât topŋe kerek sâŋe tetewe. Sâŋe tetemune kulemgum metemâmâ pepa yu kapi nombotŋe yu tete tatmâ arai ya yengâlen kerehâk katdâ arimu ekmâ nâŋgâŋet.

20 Otmu bâteŋe bonâŋen pitu nombolân yâhâp meyekmune yeksat yakât topŋe yuwu sâŋe tetemune nâŋgâ. Pitu nombolân yâhâp yamâ kapi nombolân yâhâp ambolipŋaŋe nâhât komot mansai ya yengât anelo umutyenânâk âlâku konok konok. Otmu lambe nombolân yâhâp goliŋak tuhum katŋetâ sem tap yamâ nâhât komot kapi nombolân yâhâp ya.” Yawu sâop.

Epeso kapi ambolipņe yâk yengât sâm kalop.

¹ Yesuņe yuwu sâm tetem eknohop. “Yoane, gâņe Epeso kapi ambolipņe yengât yuwu kulemgum katyņgirâ ariâk. Nâ Yesu. Bâtne bongen pitu nombolân yâhâp mem kinsan. Otmu lambe nombolân yâhâp golinak tuhum katņetâ sem tatmap ya yengât hohetyeņan galem kinmâ bam gaman.

² Nâ yengât manmanyeņe ya kerehâk nâņgâmune âlepņe nanņe oap. Lok bâleņe, lok perâkņe yengâlen taka yuwu sâm kâityongowi. “Yesuņe âi sâm ningiop ya tuhum mansain.” Yawu sâm yen kâityongom yengâlân torokatne sâm takawi. Yawu sâm takañetâ yapâ gâtņeņe umatņe topņe topņe teteyņgiop. Yakât yeņe yâk yengât topyeņe ekņetâ ki ârândâņ olop yakât otmâmâ watyekbi. Ya nâņgâmune âlepņe nanņe oap.

³ Otmu yenâmâ lok bâleņe yaņe yengâlen torokatne sâm otņetâ yanâmâ yeņe nâhât tem lâum sâtgum manmâ gawi. Otmu nâhât den nâņgâm ki hâkâņ otbi. Yakât nâņgâmune âlepņe oap.

⁴ Yawu gârâmâ den âlâ yuwu sâmunne nâņgâņet. Biwiyeņan tap ya ekmâ nâņgâmune ki ârândâņ oap. Angoân embâņân Anitâhât den pat âlepņe nâņgâm yanâmâ nâhâlen biwi nâņgân nâņgânyeņe kepeim manbi. Yâhâ sâp yiwereņeâmâ biwi yeņeņe pâlâmņe otmâ mansai.

⁵ Yâhâ angoânâmâ biwiyeņe nâhâlen katmâ denne lâum manbi ya yawuâk torokatmâ manņetgât nanņan. Yawu gârâmâ yeņe denne ki lâum mannomai yanâmâ sâmunne yengât hohetyeņambâ lambe laņinņe hindakmâ yengâlen omoņ sahakbuap.

6 Otmu nângân nângân âlâ nângâm gawi ya nângâmune âlepņe oap. Komot âlâ, kutyeņe Niko-lao sâm, yâkņeâmâ yuwu sâmai. “Âlepņe, orot-meme ihilâk mahilâk otmunņe Anitâņe nenekmu ârândâņ otmap. Yakât denņe bia.” Yawu sâmai. Yamâ yeņgâlen takamâmâ yawu otņetgât sâm kendâyiņiņetâ yeņe hâkâņ otmâ watyekbi. Nâ gurâ yawuâk yâk yeņgât nângâm hâkâņ otmâ man-man. Yawu gârâmâ yeņe yâk yawu otyiņgiwi yakât nângâmune ârândâņ oap.

7 Yeņgât hohetyeņan gâtņe âlâ me âlâņe lo-hotņe ki otmâ nâhât den lâum manmai. Yakât otmâmâ munomai sâp yanâmâ âlepņe nâņe sâmunne Anitâhât kalamân manmangât nak âlâ kinsap yakât kehetņe nemâmâ yaņe tânyongomu man-man kârikņan yan torokatmâ manmâ yâhânomai. Otmu Epeso kapi ambolipņe yen Anitâhât Wâtgât mâmâņahât Heakņe den sâm tetem eknohop yu ekyongoan. Yakât yen nângâm heņgeņgum manmâ yâhânomai.” Yakât yawu sâop.

Simirina kapi ambolipņe yâk yeņgât sâm kalop.

8 Otmu Yesuņe ikņe komot Simirina kapi ambolipņe mansai yâk yeņgât yuwu sâm eknohop. “Lohimbiņe Simirina kapiân manmâ biwi nângân nângânyeņe nâhâlen katmâ mansai yamâ gâņe den yuwu kulemgum katyiņgirâ ariâk. Nâmâ Yesu. Anġoân embâņân Anitâņe hân himbim ki kândikyotkop yapâek tatmâ gawan. Otmu yawuâk tatmâ yâhâwom. Otmu mumune yan hân kâlehen katnekbi. Nâņe yapâ yahatmâ tanņe yuwu sâm tetemune nâņgâņet.

9 Yengât kasalipyenaje yen mem bâleyekmâ kombo meyinginetâ hâhiwin kaknan manmâ âlâlâhât pâin guin otmâ gai. Ya nanjan. Otmu nâne mâmâne otyingimune nâhâlen biwi nângân nângânyenaje kepeim manmâ ganetâ yakât nâne matne âilongo yingiwomgât emelâk ya sâm katban. Otmu Yura lok nombotnaje yengât sâm bâleyingiwi. Ya gurâ topne nanjan. Yawu gârâmâ yâkne Anitâhât pat bulâne ki mansai. Yâhâmâ lok bâlenjahât pat oai.

10 Otmu umatne âlâlâ yuwu yawu teteyingiwuap yakât kingityenjahât ki otnomai. Yakât topne yuwu sâmune nângânet. Satangâlen torokatmâ manmâ bâlenjahât pat mansainje yen biwiyenjahât topne ya nângâne sâm mem âlâlâ tuhuyeknomai. Otmu mumuhât pat kuyingim nombotne mem pâi emetnan katyeknomai. Yawu otyinginetâmâ yeje kârihem kinnetâ yanâmâ nombotnajeâmâ munomai. Otmu nombotne âlâneâmâ hâhiwin nângâm sât gum mannomai. Yawu otmâ mannetâ yakât kaknanâmâ hilâm bâlâk nerek otmu yanâmâ pesuk sâyingiwuap. Yâhâ yakât kaknan yenâmâ hâk sânduhân manmâ yâhânomai. Otmu munomainje mumunambâ yahatnetâ yen kerehâk manman kâriknan torokatmâ manmâ yâhânomai.

11 Simirina kapi ambolipne yen Anitâhât Wâtgât mâmânahât Heakne den sâm tetem eknohop yu ekyongoan. Yakât yen yukât topne nângâm hengenjunomai. Nângâm hengenjum nâhâlenâk biwiyenaje kepeim manmâ yâhâm yâhâpne munomaihât dop âlâ ki otbuap.” Yakât yawu sâop.

Peahamon kapi ambolipne yâk yengât sâm kalop.

12 Otmu Yesuje ikrje komot Peahamon kapiân mansai yâk yengât yuwu sâmb eknohop. “Lohimbi nombotnje Peahamon kapiân manmâ biwiyenje nâhâlen katmâ mansai ya yengât den yuwu kulemgum katyngirâ ariâk. Nâ Yesu. Tewet sâtje nombot nombot nelan nelan yakât ambone nâ. Nâje yuwu sâmune nângânet.

13 Kapi ambolipnje yengât manmanyenjahât topnje ya nâ nanjan. Kapi yanâmâ lok sesengâlâkne Satangâlen torokatmâ orotmeme bâlene topnje topnje otmâ mansai. Yawu otmâ nâhât komolân gâtje âlâ, kutje Antipatoro, yâkneâmâ nâhât tem lâum manmâ yâk yengâlen lohotnje ki otmâ manop. Ya kujetâ muop. Kujetâ muop yakât yen kngityenjahât ki otbi. Yawu otmâ kârihem kinmâ nâhât tem lâum manmâ gai. Ya nângâmune ârândân oap.

14 Yawu gârâmâ yengâlen gâtje nombotnje orotmeme âlâ yuwu otmai yamâ nângâmune bâleap. Yengâlebâ nombotnje lok âlâ, kutje Bileam sâmb, yâkât orotmeme bâlene ya watbi. Bileamnje angoân lok âlâ, kutje Balak sâmb, ya ekumu Isirae lohimbiye kasalipyenje yengât Porom Lâpiohât hotom uminiwi yapâ mem nejet sâmb ekyongop. Yawu otmâ torokatmâ kâwâ konda otjetgât kendâyingiop. Yawu olop yakât Bileamnje tosa pato miop. Otmuâmâ yengâlen gâtje nombotnje orotmeme yawuâk torokatmâ otjetgât sâmb kendâyingim mansai. Ya nângâmune dondâ bâleap.

15 Otmu yengâlen gâtje nombotnje Nikolao yengâlen torokatmâ ihilâk mahilâk otmâ man-

sai. Yakât nânġâmune yawuâk dondâ bâleap. Yakât otmâ ekyongonjetâ biwi nânġân nânġânyeŋe nâhâlenâk katjetâ kinâkgât sâm ekyongoan.

¹⁶ Otmu den sâm tetean yukât nânġânetâ gemu bet pilâmâmâ nâhâlen yâhâpŋe taka ki torokat-nomai. Yawu otnomai yamâ nâŋe taka kuk otyiŋgiwom. Yawu otmâ launan tewet sâtŋe nombot nombot nelan nelan yaŋe nem hilipyongowuap.

¹⁷ Yamâ yeŋġâlen ġâtŋe nombotŋaŋe yâk yeŋġâlen lohotŋe ki otmâ mannomai yâhâmâ mem lâtpyongom manman kârikŋe yakât sot yiŋgimune nem mannomai. Otmu lanġatyekmâ âlâku ikŋe kutŋe kândâk kândâk kulemgum iri tete osom katyiŋgiwom. Kut ya lok âlâ me âlâŋe ekmâ nânġânomaihât dop ki tap. Âlâku ikŋe amboŋan amboŋan ekmâ nanġanġinomai.

Peahamon kapi ambolipŋe yen Anitâhât Wâtġât mâmâŋahât Heakŋe den sâm tetem eknohop yu ekyongoan yakât mâmâŋe otyiŋgimu den yukât topŋe nânġâm heŋgeŋgunomai. Yakât otmâ yu kulemguwe sâm oan. Yesuŋe Peahamon ya yeŋġât yawu sâm eknohomu kulemguan.

Tiatira kapi ambolipŋe yâk yeŋġât sâm kalop.

¹⁸ Otmu Yesuŋe ikŋe komot Tiatira kapiân man-sai yâk yeŋġât yuwu sâm eknohop. “Yoane ġâ Tiatira yeŋġât ekap yuwu kulemgum katyiŋgirâ ariâk. Nâ Yesu, Anitâhât nanŋe. Otmu nâmâ sen-neâmâ kâlâp kokotŋe lan lan sâmap yawuya. Yakât otmâmâ nâmâ yohân ekman. Otmu kâineâmâ kâlâp milu umunŋe kâtŋe sem hiŋ hurundun

sâmap yawuya. Yakât otmâ kasalipne tâlim hilipyongowom. Topne yawu.

19 Otmu yengât manmanyenahât topne ya nâ nangan. Otmu orotmemeyene ya gurâ nângâm metean. Yene nâhâlen biwiyenane kepeiwi ya yawuâk torokatmâ manmâ gai. Otmu biwiyene hikuakmâ buku orangim mansai. Yâhâ lohimbi nombotne senne âlâhât pâinmâ mansai yâk tânyongoai. Otmu lohimbi belângen mansaine mem bâleyeknetâ yengu yawuâk ki lohotne oai. Emelâk orotmemeyene âlepne otbiâke yamâ yiwerene oai yujeâmâ kândikum gâtne ya tâtâem wangim oai yakât nângâm biwine herone oap.

20 Yawu gârâmâ benne yengât orotmeme konohâk otjetâ ki ârândân otmap. Imbi bâlene âlâne yengât hohetyenan kinmâ den perâkne kâsikum yingimap ya ki watjetâ ariap. Yâkne yuwu sâmap. “Nâ Anitâhât poropete imbi. Yâkât lau lâum denne sâm tetean.” Yawu sâmap. Yamâ den memap. Emelâk imbi yawuya âlâ, kutne Yesewe sâm, yâk ihilâk mahilâk otmâ manmâ Anitâhât komot, Isirae lohimbi, mem dâiyekmâ imbilipyene yekmâ ihilâk otjetgât sâm ekyongominiop. Yawu sâm ekyongop yane dondâ bâleop. Yâhâ sâp yiwerene yuâmâ imbi âlâ ya hohetyenan taka mansapne Yesewe olop yawuâk otjetgât haonmâ kendâyingiap. Otmu yâhâmâ kasalipyene yengât Porom Lâpio yakât hotom umai yapâ mem nejet sâm ekyongomap. Ya nângâmune dondâ bâleap.

21 Yakât yuwu sâmune nângânet. Imbi yane biwi nângân nângânne nâhâlen kalâkgât mambotmâ manmâ gan. Yawu otmune ya hâkân otmâ kârikne

dondâ oap. Kârikņe otmâ manmâ orotmemeņe kiņgoņ yamâ ki sâm tetem betbaņgimap.

²² Yakât otmâmâ kundat umatņe dondâ tetewaņgimu yan nâņe ya sâm waņmune hâhiwin nâņgâm yâhâwuap. Otmu lohimbi nombotņe yâkâlen torokatbiņe tosayeņe ya ki sâm tetem biwi nâņgân nâņgânyeņe nâhâlen katmâ mansai yakât matņe umatņe dondâ yiņgimune mem sâtgum mannomai.

²³ Otmu lohimbi nombotņe imbi bâleņe yâkât komolân torokatmâ otbi mewi ya ekņetâ ârândâņ olop yamâ nâņe matņe yiņgimune mem hiliwahonomai. Yawu otyiņgimuneâmâ nâhât komot hânņan kulemņan mansaiņe ekmâ topņe yuwu nâņgânomai. “E, Yesuņeâmâ orotmemenenņe me biwinenņan girawu tap yakât topņe ekmâ nâņgâm ba takamap. Otmu yu me ya otmain yakât matņe ya tâņ tâņâk ningiwuap.” Yawu sâmâmâ orotmeme âlepņeâk otmâ mannomai.

²⁴ Otmu yen nombotņe imbi yukât orotmeme kiņgoņ yan torokatmâ ki otmai. Otmu yâkât komolipņe Satangât topņe sâm kusânâmâ ekyongomunņe nâņgâņet sâm otņetâmâ yan yeņe be-tyiņgim mansai. Yakât nâņgâmune ârândâņ oap. Yakât umatņe âlâ ki teteyiņgiâkgât naņgan. Otmu yenâmâ yuwu sâm ekyongomune nâņgâņet.

²⁵ Anņoânâk nâhât tem lâum torokatmâ manbi. Yawuâk otmâ torokatmâ manmâ gai. Yawu gârâmâ yâhâpņe yawuâk torokatmâ manmâ yâhâņetâ nâņe taka matņe âilonņo yiņgimune menomai yakât yuwu sâmune nâņgâņet.

²⁶⁻²⁷ Anitâņe âi sâm nihim hâņgânnohomu gewan. Gemâmâ wâtņan kinmâ tem lâuwaņgim gawan.

Otmu yakât dopņeâk yenâmâ âi sâm yingimune nâhât wâtņan kinmâ yâhânomai. Otmu sâp pato tâlâhumu yanâmâ nâņe mâmâņe otyingimune kasalipņenne kunyeņe kârikņe otmâ manņomai ya yongom itit kiom tuhuyekņomai.

²⁸ Yawu otyinginetâmâ pesuk sâwuap. Otmu sâp patoen yen orowâk heronņ maronņ otmâ manmâ yâhânom.

²⁹ Yakât otmâ Tiatira kapi ambolipņe yen Anitâhât Wâtgât mâmâņahât Heakņe den sâm tetem ekņohop yu ekyongoan. Yakât otmâ mâmâņe otyingimu den yukât topņe nâņgâm biwiyeņan katmâ manņomai.” Yawu sâop. Yesuņe Tiatira kapi ambolipņe yeņgât den yu sâm tetem ekņohomu kulemgum katyingian.

3

Sariti kapi ambolipņe yâk yeņgât sâm kalop.

¹ Otmu Yesuņe ikņe komot Sariti kapiân man-sai ya yeņgât yuwu sâm ekņohop. “Yoane, gâ den yuwu sâmunne kulemgum katyingirâ Sariti ambolipņe sâlikum nâņgâm heņgeņgunomai. Nâ Yesu. Anitâhât Wâtgât mâmâņahât Heakņe mâmâņe otnihimu pitu nombolân yâhâp meyekmâ kinman.

Nâņe yeņgât manmanyeņe ekmunne ki ârândâņ otmap. Yeņe topyeņe kurihikmâ lok sensenân orotmeme âlepņeâk otmâ gai. Yakât otmâ lohimbî dondâņe yekmâ topyeņe yuwu nâņgâm tâpikguai. “Main, lohimbî yuņeâmâ biwi nâņgân nâņgânyeņe ya galemai. Otmu yâkņe yakât pâlâmņe ki oai.” Yawu sâmai. Yawu sâmai yamâ pâpgum topņe ki

nângâm sâmai. Nâñeâmâ biwiyene ekmâ “biwiyene mumuñe,” yawu nanñan.

²⁻³ Yenâmâ biwiyene pârâk pilâm ekñet. Awonñe Anitâñe yengât manmanyene ya ekmu ki ârândân otmap. Otmu nâku yawuâk ekmune ki ârândân otmap. Manman anñoânâk manbi yañeâmâ himbingât pat kuyingiop ya biatbe sâm oap. Yen ya biatyingimap sâm emelâk anñoânâk miti nâñgâm yan biwiyene nâhâlen katmâ orotmeme âlepñe otmâ manbi ya yawuâk torokatmâ manñet. Yawu manmâ orotmemeyene bâleñe ya bet pilâm biwi golâek manmâ yâhâpñe biwi nâñgân nâñgânyene nâhâlen kepeim manñetgât nanñan. Yâhâ ki otnomai yamâ benñe kasalipyenañe inâk pârâk sânsânâk taka itit kiom tuhuyingimai yakât dopñeâk nâñe yengâlen pârâk sân sânâk takawom. Sâp yan takawom yakât yene ki nanñai.

⁴ Yawu gârâmâ yengâlen gâtñe sambe bia, getek âlâ yañe tipñe âlepñe oai. Yâhâ yen salek salehâk tosa barak mansai yamâ yongonmune nâhâlen torokatñetâ sângum kaok bolañ bolañ âlâku ikñe kândâk kândâk yingimune hanñalakñetâ nine orop tatmâ yâhânôm.

⁵ Yawu otmâ tosa barak manñetâmâ nâñe yengât nâñgâm nâhât komolân gâtñe salek salek yawu sâwom. Otmu emelâk manman kârikñahât pat kuyingim pepa âlâ mem kutyene kulemguwan. Yamâ kutyene yâhâpñe ki hârewom. Nâñeâmâ awonñe otmu anjelolipne yâk yengât senyenjan kinmâ yengât kutyene yongonmune nâhâlen torokatñetâ orowâk tatmâ yâhâmbisâin.

⁶ Otmu Sariti kapi ambolipñe yen Anitâhât

Wâtgât mâmânahât Heakŋe den sâm tetem eknohop yu ekyongoan. Yakât mâmâne otyiŋgimu nâŋgâm heŋgeŋgunomai.” Yesuŋe yawu sâop.

Pilarepia kapi ambolipŋe yâk yengât sâm kalop.

⁷ Otmu Yesuŋe den âlâ yuwu sâm eknohop. “Nâhât komot Pilarepia kapiân mansai ya yengât ekap yuwu kulemgum katyiŋgirâ ariâk. Nâmâ Yesu. Orotmemene âlepŋe nanŋe mem koko salehâk manmâ gaman. Yu me ya otmune bonŋeâk tetemap. Anitâne angoânâk yuwu sâm âi nihiop. “Isirae yengât lok kutdâyeŋe, kutŋe Dawiti sâm, yâkât kawenjan kinbuat. Yan kinmâ manman kârikjahât gahatŋe ya mem hindâuwat. Mem hindârâ an sâm kinmu yakât kakŋan lok âlâ me âlâne ya mem maŋgunomaihât dop ki otbuap. Yâhâ gahatŋe ya mem maŋguuwat yamâ lok âlâ me âlâne mem hindânomaihât dop gurâ ki otbuap.” Yawu sâm âi nihiop. Yawu gârâmâ gahatŋe yakât ambonŋe yamâ nâ konok.

⁸ Otmu yakât yuwu sâmune nâŋgâŋet. Manmanyenŋe ya ekmune ârândâŋ oap. Yenŋe biwi golâek manmâ nâhât tem lâum manmâ gai. Otmu nâhât kutne ki kurihim hâkâŋ otbi. Yakât nâŋgâmune âlepŋe oap. Otmu yenŋe nâhât den pat âlepŋe sâm tetem ekyongoŋetgât emelâk nâne gahatŋe ya mem hindâmune kinsap ya nanŋai. Otmu kasalipyenŋe âlâ me âlâne ya maŋgunomaihât dop âlâ ki tap.

⁹ Yuwu sâmune nâŋgâŋet. Yura lok nombotŋenŋe nâhât hâkâŋ otmâ manmâ yengâlen taka yuwu

sâmai. “Nenâmâ Isirae lohimbi tâṅ tâṅ man-sain. Yakât otmâ nenâmâ Anitâhât pat otmâ man-sain,” yawu sâmai. Yawu sâmai yan yengât hâkân otmâ sâṁ mem ge katyeksai. Yawu otyingîetâ nâṅgâmune bâleap. Yakât otmâmâ yuwu sâṁ hâreyingian. “Lok perâkṅe, amboyeṅe yamâ Satan,” nâṅeâmâ yawu sâṁ hâreyingian. Yakât otmâ nâṅe mem dâiyekmâ yengât amutyenṅan katyekmune mannomai. Yanâmâ yengât yuwu sânomai. “Bâe, Yesuṅe lohimbi yu yengât tepṅe nâṅgâmu âlepṅe nanṅe oap yakât nen mem ge katneneksai.” Yawu sânomai.

¹⁰ Otmu lohimbiṅe hânṅan kulemṅan manmai yengât topyeṅe teteâkgât nâṅe sâṁune umatṅe topṅe topṅe teteyingiwuap. Yâhâ yengâlenâmâ ki tetewuap. Sâp yanâmâ nâṅe tihityeṅe otmune yeṅe kârikṅe otmâ mannomai.

¹¹⁻¹² Yâhâ yenâmâ emelâk Anitâṅe manman kârikṅahât pat kuyingîop ya biatyingimapgât nâṅgâm biwiyeṅe galemahom mannomai. Yawu otmâ mannomai yan kasalipyenṅe mem ge katyekṅetâ kârikṅe otmâ mannomai. Yawu manṅetâ nâṅe kâlep ki otmuâk takawom yanâmâ yen meyekmâ Anitâhât miti emetṅe himbimân tap yakât saran kârikṅe sâṁ kânâṅgâyekbom. Kânâṅgâyekmune ki putuk sâṁ ge kunomai. Manman kârikṅahât pat yukât bulâṅe yingimune menomai yan Awoṅnahât kapi pato, kutṅe Yerusalem kapi âiṅe sâṁ, himbimân tap ya gewuap. Gemu ya ambokunomai. Yakât patṅe yawuâk kuyingîop. Otmu nâ ninahât pat Anitâṅe emelâk kunihiop. Yawu gârâmâ yawuâk nâhâlen torokatmâ ya mem ambokunomai.

13 Pilarepia kapi ambolipņe yen Anitâhât Wâtgât mâmâņahât Heakņe den sâm tetem eknohop yu ekyongoan. Yakât yâkņe mâmâņe otyiņgimu den yukât topņe nâņgâm heņgeņgunomai.” Yesuņe yawu sâm teteop.

Laorika kapi ambolipņe yâk yengât sâm kalop.

14 Yesuņe torokatmâ yuwu sâm eknohop. “Yoane, nâhât komot Laorika kapiân mansai ya yengât ekap yuwu kulemgum katyiņgirâ ariâk. Nâ Yesu. Aņgoân embâņân Anitâņe hân himbim ki kândikyotgop yapâek nâņe tatmâ gawan. Otmu nâ Anitâ orop topnetņe konohâk otmu yapâ gâtņe Anitâņe âi sâm nihiop. Âi sâm nihimu nâņe yâkâlen kândiwahom hân himbim pitu âlâlâ topņe topņe katban. Otmu lohimbिņe Anitâhât topņe nâņgâņetâ haņ sâyiņgiâkgât den bulâņe ekyongom manban.

15 Nâņe yengât biwiyeņe ekmune ki ârândâņ otmap. Yenâmâ pâlâmņe manmai. Yakât otmâ nâņe yengât ukenņe ki nâņgâyiņgian. Otmu ņasin gurâ ki nâņgâyiņgian. Yakât topņe nâņgâņetâ keterahâkgât yuwu sâmune nâņgâņet. Sot nemunņe pâlâmņe otmu âkâm pilâmain yakât dopņeâk yen nine komolâmbâ yekmune pâlâmņe otmu watyek-bom.

16-17 Otmu yengât topyeņe teteâkgât torokatmâ sâwe. Yeņeâmâ yuwu sâmai. “Nenâmâ Anitâņe nâņgâningimu ârândâņâk oap yakât iri sikum me senņe âlâlâ ya dondâ tatningiap. Hop sambe kakņan mansain.” Yawu sâmai. Yamâ den memai. Yeņe topyeņe ya nâņgâne sâm hâum

pâpguai. Yenâmâ kopa. Otmu nângânetâ ki keterakmap. Otmu topne ekmâ nângâne sâmbâ yakât pâinmâ hâum pâpgumai. Otmu âlâlâ yakât gurâ pâlâmne mansai. Yawu nanġan.

¹⁸ Yawu gârâmâ yu otġet sâmbâ ekyongomune torokatmâ otmâ manġetâ ârândân otbuap. Yiwerenġe yuâmâ senyġe bok sâmbâ âlâlâ yakât ekmâ topne ki nanġai. Yâhâ gâmâlâhâmâ nâġe sâmbâ senyġe hâreakmu âlâlâ ya ekmâ topne nângânomai yakât dop tatnihiap. Otmu nâhâlen torokatmâ salek salehâk mannomaihât nâhâlen mâtâp tap. Yawu gârâmâ orotmemeyġe bâlenġe ya pilâm nâhâlen gamâmâ nâhât manmanne ya mem haġgalakmâ salek salehâk manmâ yâhânomai. Yawu otmâ manġetâ lohimbî nombotġaġe yekmâ yġġât nângânetâ yahatmu yakât ki anġulaknomai.

¹⁹ Otmu lohimbîġe nâhâlen torokatmâ mansai yaġe nine orop biwinenġe kepeiakmâ konok otmu mansai. Otmu yawuâk torokatmâ mannehât nângâm nâhât komolân gâtġe âlâ me âlâġe otmâ tâpikġune sâmbâ otġetâmâ nâġe biwi nângân nângânyġe mem kusân yinġiman. Mem kusânyinġimune ekmâ nângâm henġenġum manman âlepġan manmai. Otmu yġe kunyġe kârikġe otmâ hiliwahomaihât sâmbâ umatġe âlâlâ teteyinġiwuap. Otmu yġġâlen takamune umatġe yawuya teteyinġimapgât yġe orotmemeyġe bâlenġe ya bet pilâm orotmeme âlepġeâk otmâ manmâ yâhânomai.

²⁰ Nâġe yġġât emet hawiġan kinmâ den sâmbâ enġatne munġe nanġai. Yawu gârâmâ lohimbî âlâ me âlâġe nâhât den towatġe nângâm yahatmâ launan membuap yâhâmâ nâ orop biwi konohâk

otmâ lau konok nem manmâ yâhânôm.

²¹ Otmu nâje himbimâmbâ ge Awonaŋe âi sâm nihiop ya tuhum pesuk pilâmune ârândân oap. Yakât dopŋeâk yeŋe gurâ nâhât den nâŋgâm lâum manŋetâ ârândân otbuap otmuâmâ nâje sâmune nâhâlen torokatŋetâ orowâk Awoŋne hâlânŋmâ tاتمâ yâhânôm.

²² Laorika kapi ambolipŋe yen Anitâhât Wâtgât mâmâŋahât Heakŋe den sâm tetem eknohop yu ekyongoan. Yakât otmâ yâkŋe mâmâŋe otyiŋgimu den yukât topŋe nâŋgâm heŋgeŋgunomai.” Yesuŋe yawu sâm teteop.

4

Himbimgât gahatŋe hindakmâ aŋ sâm kinmu Anitâhât kaweŋe ehop.

¹ Otmu ya biatmu himbimân gahatŋe âlâ hindakmâ aŋ sâm kinmu ekban. Otmu den me mun pato âlâ emelâk nâŋgâwan ya yawuâk yâhâpŋe tetemu nâŋgâwan. Yamâ yuwu sâm eknohop. “Yu me ya hâmbâi tetewuap yakât Anitâŋe sâm kalop. Garâ yu tiripgohomune ek.” Yawu sâop.

² Yawu sâmu yanâk Anitâhât Wâtgât mâmâŋahât Heakŋe biwine mem purik pilâmu yanâk yâhâ tاتمâmâ âlâ yuwu ekban. Anitâŋe kawe talop yan laŋinŋe pato siliŋ siliŋ sâmap yawuyaye kundennan yerâmu ekban.

³ Otmu hambe mohat yawuya yaŋe kakŋan hawamgum laŋinŋe golâ golâ pato pilâm kinmu ekban.

⁴ Otmu lok kunŋe 24, hâk katipŋe kaok bolan bolan yawuya hiŋ hârândân sâsâŋe ya mânunjakmâ

tatbi. Otmu ɲerendenɲ golinak tuhuwi yawuya yaɲe kunyenɲan hawamgum horaranɲim tatbi. Otmu yâk yengât kawe tatatyenɲe pato yamâ Anitâ hawamgum ikɲiâk ikɲiâk tatbi.

⁵ Yâhâ Anitâ patoyenɲe talop yâkâlebâ belek sâmu ekban. Otmu denɲeâmâ himbim gunɲurun sâmu mun pato pilâmap yawuya yakât dop olop. Otmu yâkâlebâmâ kâlâp laɲinɲe sem kilik kilik sâmap yawuya sem kinop. Otmu sem kilik kilik sâop yamâ Anitâhât Wâtɲât mâmâɲahât Heak yâku yawuâk, dop yawuâk olop.

⁶ Otmu Anitâhât dâtâpɲan saru pato nâɲ nâɲ sâmu yan emetsenɲaɲe siliɲ siliɲ sâm hâumu beleɲ sâmap dop yawuya yaɲe kâwinân liɲgarakmâ nâɲ nâɲ sâm iop.

Otmu sonɲo papato yawuya imbât mumuhât dop bia yaɲe hawamgum nombot nombot tatbi. Yâhâ senyenɲe yaɲak pato, bet kulet otyinɲiop.

⁷ Anɲoân ekban yamâ pusi papatoɲe, kutɲe laion sâm, yakât kundenɲe yawuya. Yâhâpɲe ekban yamâ bulimakao pato yawuya. Yâhâ kalimbunɲe yamâ lok kundenɲe yawu. Yâhâ imbâtɲe yamâ tiwa yawuya.

⁸⁻⁹ Âlâhât konok konok penɲamyenɲe nombotgen kalimbu, nombotgen kalimbu yawu talop. Otmu omone hilâmɲe haonɲmâ ârândân Anitâ yuwu sâm kiki mewanɲimai.

“Anitâ patonenɲe gâhât tatatɲe, gâhât wâtɲe, gâhât orotmemehe ya ae seɲ seɲ me hou sâ sâ. Otmu gâhât nâɲgâmunɲe yahatmap. Gâ embâɲân tatmâ gaon. Otmu tatmâ gat, mâne tatmâ yâhâwion. Yakât otmâ gâhât

nângâmunnje âlâ kândâkdâek otmap.”

Yawu sâm kiki mewanġimai.

¹⁰ Otmu sâp âlâ me âlâen kep mem mepaemaiân yan lok kunġe 24 ya kerekġe nġendenġeġe ya mem yâkât enġatġan horatbanġimai.

¹¹ Horatbanġim nâġġetâ âlâ kândâkdâ otmu yuwu sâm kiki mewanġimai.

“O, Anitâ patonenġe. Gike nâġġân nâġġangan otmat. Otmu gike wâtġan kinmâ hân himbim kândikyotġon. Otmu gikak âliwahaġ topġe topġe hânân kalon yaġe torokatmâ yâhâwuapġât dop tatġihiawâk. Otmu nâġġârâ biatbuapġât ġurâ dop yawuâk tatġihiaġ. Yakât otmâ ġâ mepaeheksain. Otmu ġâhât kutġe konok sâm haġ tuhumunnġe yupâ yapâ arimu ârândân merândân otmâ liġġarakmâ imap.” Yawu sâmai.

5

Lama Nanġe yâkât nâġġetâ yahalop.

¹ Otmu Anitâ patoġe bâġġe bonâġgen pepa âlâ mem ġoġġoġġumu ekban. Pepa yamâ nombot nombot kuleġġuop ya sâlikumai sâm mem ġoġġoġġum ġâoġ nombolân yâhâp sâhâop.

² Otmu nâġe aġelo kârikġe âlâ ekban. Yâkġe ya-hatmâ kinmâ kârikġe halahum yuwu sâop. “Pepa ġâoġân tap ya âlâġe mem holaġmâ mewalakum sâlikuwuap?” Yawu sâm den kârikġan sâop.

³ Yâhâ himbimân ġâtġe, me hânân ġâtġe, me wosapâ wosapâ ġâtġe âlâ me âlâġe mem mewalakuwuapġât dop bia. Bia kârikġe.

⁴ Yawu ekmâ yanak nângâmune dopñan ki otmu engat hako nângâm hâk nâik nâihâk isewan.

⁵ Nâñe yawu isemune lok kunñe 24 tatbi yâk yengâlen gâtñe âlâñe yuwu sâm eknohop. “Kâmbuk. Yura yengât komolân gâtñe pusi pato âlâ, kutñe Laion, yamâ Dawitihât sen, yâkñe mumuñambâ yahatmâ yan Manman bâlenjahât Amboñe, kutñe Satan, yâk mem ge kalop. Yâkñe âlepñe gâoñ ya holañmâ pilâm mem mewalakuwuapgât dop tap. Yâkât wâtñe pato tatbañgiap. Yakât ki nângârâ gorâhahimu ise. Pak sâm ek.” Yawu sâop.

⁶ Yawu sâmu pak sâm Anitâhât gotñan soñgo papato ya otmu lok kunyene ya yengât hohetyeñan Lama Nanñe emelâk kum gâiwi, gutñe orowâk yañe yahatmâ kinmu ekban. Otmu wâtñe pato nandoroñe tatbañgiop yakât dop kum ñilipñeâmâ nombolân yâhâp. Otmu biwinenñe ekmâ nângâmap yakât dop kum senñe gurâ nombolân yâhâp. Otmu Anitâhât Wâtgât mâmâñahât Heak kinmap yakât dop yawuya olop. Otmu nengât nângân nângânnenñe kusânakmu Anitâhât topñe nângânehât ikñak emelâk hângângumu giop.

⁷ Otmu Lama Nanñe yâkñe yâhâ Anitâhât bânñe bongen pepa talop ya miop.

⁸ Memu yan soñgo papato otmu lok kunñe yâkñe ba mem kuku parahu tuhum mepaewi. Yawu otmu lok kunñe wângam mem kep kuwi. Kep kum yakât kakñan kondo goliñak tuhum katñetâ talop ya kâlehen to kukñe suk suk yañe pindindiñ sâm iop ya kondo konok konok mem Anitâhât lohimbî bulâñe ulitgum mansai ya dop yongom yâk yengât denyene nângâekgât mem uk pilâñetâ

Anitâhât hâmenjan yâhâop.

⁹⁻¹⁰ Yawu otmâ yan Lama Nanje ya ekmâ mepaem kiki yuwu sâmbân mewangiwi.

“Gâje lohimbi komotje komotje, emetsenje gahanehen gehenehen, emelâk manbi, âun yu mansai, mâne hâmbâi teteheh mannomai yapâ gâtje lok âlâ me âlâje gâhât nângâjetâ bonje otbuap yâk sârereyekmâ kaweyenjan kinbe sâmbân hânân gion. Hânân gerâ gâ go-hojetâ mum yahatmâ benje Anitâhât senjan kinmâ yâk yengât sâmbân ulitgumat. Yakât otmâ yâkje Anitâhât pat otbi. Yakât otmâmâ Anitâhât komolân torokatmâ mepaem hon bawanjim manmâ yâhânomai. Yawu otmâ lohimbi nombotje âlâ manman âlonjo lonjo manjetgât galemlipyenje sâmbân katyekdâ galem-yongom manmâ yâhânomai. Otmu yawu otjetgât wâtge pato tatgihiap yaje pepa yu mem mewalaku.”

Yawu sâmbân kiki mewangiwi.

¹¹ Yawu sâmbân kiki mewangijetâ anelo kinjitje orowâk, sâlipyongonomgât dop bia, yaje yanâk tetem kurâp kinmâ hawamyongom yuwu sâmbân mepaewi.

¹² “Lama Nanje ya kujetâ yapâ mum yahalop. Yakât otmâ mepaem manne. Otmu yâkât orotmemeje, me tatatmemeje, me nângân nângânje yamâ hou sâsâ. Otmu yu me ya otbuapgât dop yakât wâtje ya emelâk Anitâje wanop. Yâkje âlâlâ yakât ambonje oap.” Yawu sâmbân mepaewi.

¹³ Yawu sâmbân mepaem kinjet Anitâje âliwahap topje topje emelâk embânjan kalop, sonjo bau,

saruân gâtņe, hân kâlehen gâtņe, wosapâ wosapâ gâtņe, otmu lohimbi himbimgât pat otbi yâk kerekņe menduhuakmâ Anitâ otmu Lama Nanņe yâk yetgât yuwu sâm mepaeyelekbi.

“Anitâ yahat yahatņe otmu Lama Nanņe yetgât wâtyetņe ya dop konohâk. Otmu âwâ nan yetgât nângân nângânyetņe me, me orotmemeyetņe me, me kutyetņe ya dop konohâk tatyitgiap. Yakât otmâ mepaeyelekne.” Yawu sâm mepaeyelekbi.

¹⁴ Yawu sâm mepaeyelekņetâ yan songo papato imbât tatbi yâkņe nângâņetâ ârândâņâk otmu “Ya bonņanâk,” yawu sâwi. Yawu sâņetâmâ lok kunņe 24 yâkņe yawuâk sâm mepaeyelekbi. Yawu.

6

Lama Nanņe yâkņe gâoņ nombolân konok ya mem holaņmâ pilâop.

¹ Yawu sâm mepaeyelekņetâmâ Lama Nanņe pepa ya mem kinmu ekban. Yâkņe gâoņ nombolân yâhâp yapâ gâtņe konok mem holaņmâ pilâop. Mem holaņmâ pilâmu songo papato munomaihât dop bia ya yengât kunyeņe yaņe yahatmâ halahuop. Halahumu enġatņe munņe yamâ himbim ġunġuruņ sâmap yakât dopņe nângâwan. Otmu yâkņe yuwu sâop. “Gam ari.”

² Yawu sâmu, beâsi kaok kaok yakât kakņan lok âlâ tatmu ekban. Yâhâmâ beâsi yakât kakņan talop yamâ lok papatoņe ņerendenġ kunyeņan horaraņimai yawuya kunņan horatbaņgiwi. Otmu yaņeâmâ kuk otmâ kasalipņe itit kiom tuhuyekbe

sâmâmâ tembe nananŋe teikum gâitmâ hâum ar-
iop.

³ Arimu yanâk Lama Nanŋaŋe pepa gâoŋ
yâhâpŋe ya mem holaŋop. Mem holaŋmu soŋgo
papato ya yengâlen gâtŋe âlâŋe yuwu sâmu
nâŋgâwan. “Gam ari.”

⁴ Yawu sâmu yanâk beâsi kurinŋ yaŋe teteop.
Yakât kakŋanâmâ lok âlâ talop yaŋe asama pato
miakmâek gam ariop. Otmu lohimbî hionakmâ
kapam ahonŋetgât Anitâŋe mâmâŋe otbaŋgim
hâŋgângumu giop.

⁵ Arimu Lama Nanŋaŋe gâoŋ kalimbunŋe ya mem
holaŋop. Mem holaŋmuâmâ soŋgo pato âlâŋe
yuwu sâop, “Gam ari.” Yawu sâmu yanâk beâsi
helenŋ ya teteop. Yakât kakŋanâmâ lok âlâ talop
yaŋe sot me senŋe âlâlâ kakŋan katmâ dop memai
ya miop.

⁶ Ya memu soŋgo papato tatbî yâk yengâlen
gâtŋe âlâŋe kârikŋe halahum yuwu sâm lok beâsi
kakŋan talop ya ekuop. “Gâŋe sot âlâ mem
amaŋ tipinŋan mânunđâ tatmu hâmbâi po tetewuap
yanâmâ yakât hâmeŋe mem yahatbuat. Otmu
sot mem itâkalân mânunŋmâ yakât hâmeŋe gurâ
mem yahatbuat. Otmu hânŋan kulemŋan po pato
tetem ki lingarakmâ imbuap yakât otmâ wain
tonŋe otmu nak âlâ, kutŋe oliwa sâm, yakât tonŋe
yakât hâmeŋaŋeâmâ amutgen talâk.” Yawu sâm
hâŋgângumu giop.

⁷ Arimu benŋe Lama Nanŋaŋe gâoŋ imbâtŋe ya
mem holaŋop. Mem holaŋmu soŋgo papato bânŋe
yaŋe kârikŋe halahum yuwu sâop. “Gam ari.”

⁸ Yawu sâmu yanâk beâsi gimbaŋ kâiâk mâiâk

yaŋe teteop yakât kakŋanâmâ lok âlâŋe talop. Otmu yâkât kutŋeâmâ Mumuhât Mâtâp Pato yawu. Otmu yâkât betŋan lok âlâ, kutŋe Hiliwaho Hiliwaho sâŋ, yaŋe watmâ takaop. Yâkŋeâmâ lohimbi mem kâsip misip tuhuyekmâ komot imbât katyehowot. Yawu otmâ komot konohâmâ yongomotâ hiliwahonŋetgât wâtŋetŋe tatyitgiop. Otmu sâmutâ mesek umatŋe teteyiŋgimu lohimbi nombotŋeâmâ mum hiliwahowi. Me soŋgo sâtŋaŋe tetem yŋiŋetâ muwi. Me po pato tetemu yanâmâ kapam ahom muwi. Otmu kulem yu teteâkgât yâkŋe gem surutuk sâŋ ba ariowot.

⁹ Arimutâ yanâk gâoŋ momeŋe ya mem holaŋop. Mem holaŋmu yuwu tetemu ekban. Hotom u uminiwi yakât alata Yerusalem yengât opon kâmbukŋan talop ya dop kum âlâ yawuya himbimân katmu talop ya tetemu ekban. Yaŋeâmâ embun lohimbi emelâk yongonŋetâ muwi ya yengât umutyene ya tatŋetâ ekban. Yâk yengât topyeneâmâ yuwu. Embânân angoân lohimbi nombotŋaŋe manmâ Anitâhât tem lâum manmâ kasalipyene yengât Porom Lâpio yakât hâkân otbi. Otmu lohimbi nombotŋaŋe Yesu mepaem manŋetâ yakât kasalipyenene yongonŋetâ muwi. Komot yâhâp ya yengât umutyene ya ekban.

¹⁰ Otmu Anitâ yuwu sâŋ ulitguwi. “O, Ambo-nenŋe, topge yamâ ikŋiâk tap, ki otmâ tâpikgumat. Yakât otmâ nen kerekŋe yuwu sâŋ âihohomunŋe nânŋâ. Lohimbiŋe hânân manmâ kasa otniŋim nongonŋetâ muwin yakât sâp girawu yaen gâŋe matŋe otyiŋgiuwat?” Yawu sâwi.

¹¹ Yawu sâŋetâ yanâk Lama Nanŋe yaŋe sâŋgum

kaok konok konok yin̄gimu meŋetâ yuwu sâ̄m ekyongop. “Yen tipin̄e tatmâ nân̄gâŋet. An̄goân yen yongon̄etâ muwi. Otmu yapâ torokatmâ bukulipyen̄e yawuâk yongon̄etâ mum gawi. Otmu torokatmâmâ hâmbâi nombotŋe âlâ yawuâk yongon̄etâ munomai ya Anitâŋe yekmâ nân̄gâmu dopŋan otbuap. Yanâmâ yen yongowi yakât matŋe nâku kâpekyin̄giwom.” Yawu sâop.

¹² Yawu sâ̄m gâoŋ nombolân konokŋe ya mem holaŋop. Mem holaŋmu yan yuwu tetemu ekban. Yanâmâ mososoŋ pato miop. Memu yan hilâmgât emetsen̄e irik irik sâop yamâ kâlâp gâwuŋe yawu olop. Yâhâ omongât emetsen̄e yaŋeâmâ kuriŋ kuriŋ hâum hepnen̄e gemu ekmain yakât dopŋeâk olop.

¹³ Otmu siru pato memu nak esen̄aŋe beretek sâ̄m hânân gemap yakât dop otmu himbimâmbâ pitu yaŋe aksihâk beretek sâ̄m gewi.

¹⁴ Yâhâ nen̄e sâ̄ngum mem pân̄ pân̄ kepehe-main. Yakât dopŋeâk himbim yamâ ba nombot ga nombot, nombot nombot yaŋe yawu kepeiahop. Otmu pumŋe papato otmu mâtuŋa yaŋe aksihâk kaweyen̄e pilâm orotok sâ̄m gulip malap otbi.

¹⁵ Otmu lohimbi kerek, lok papato me in̄e, lok kun̄e me tâŋât, kaok me helen̄, iri sikumyen̄e orop me umburuk mansai, lok topŋe topŋe kerehâk ya tetemu wosapâ ba misin̄gurakne sâ̄m hâum pâpguwi.

¹⁶⁻¹⁷ Ya misin̄gurakne sâ̄m hâum pâp̄gum yan yuwu sâwi. “Bâe, yuâmâ sâp pato tâlâhuap. Yawu otmâ Anitâ otmu nan̄e yâk yetŋak kuk pato otningim sâmutâ âlâlâ yakât wâtŋe biatbe sâ̄m oap.

Yakât otmâ nen yu gulip otmâ metenomosain yukâ. Anitâ nanjâitņe ewun tatmâ nenekdomosawot yamâ embaken hân kâlehen hangunom. Nen yâkât sennan âlepņe wâtņenne tatningimu eknomgât dop âlâ ki tap. Yakât girawu otmâ misinjurakne. Yakât otmâ kât pato me, pumņe launje yaņe nenehâkgât nanġain.” Yawu sâwi.

7

Isirae lohimbi komotņe komotņe ya yeņġât kundenyenjan undip katyehop.

¹ Otmu ya biatmu yakât kakņan aņelo imbât kinņetâ yekban. Aņelo imbât yaņeâmâ hân nombot nombot siru pato dondâ pilâop yakât mâtâpņe kum maņguwi. Kum maņġuņetâ nâņ nâņ sâop.

² Yawu otmu yan aņelo âlâņe sikop gahaņehen tetem kinmâ Anitâ manman amboņe yâkât komot ya yeņġât kundenyenjan undipņe katyekbe sâm kinop.

³ Yawu kinmâ bukulipņe yuwu sâm ekyongop. “Yen siru ya ki pilâņetâ miâk. Nenņeâmâ aņġoân sâp yiwereņe yu Anitâhât lohimbi yamâ ikņahât undip katyekmunņe tâņ tâņâk tetemuâmâ yakât kakņan siru ya pilâņetâ miâk. Mem yan Anitâhât kasa ya meteyehâk. Otmu undipņe orowâk katyekmunņe kinnomai yamâ ki meyekbuap.” Yawu sâop.

⁴ Otmu Isirae lohimbi Anitâhât komolân ġâtņe yongonņetâ nâņġâwan yamâ emelâk yâkât pat otbi. Yâk yeņġât dop yamâ menduhuakņetâ 144,000. Otmu Isirae lohimbi yuņe hionġakmâ komot kâi nombotgen yâhâp otbi ya yeņġât dopyeņe yuwu.

⁵ Yura yâk yengât komolân gâtņe yapâmâ 12,000 yakât dop. Otmu Luwen yâkât komolân gâtņe gurâ 12,000. Otmu Gat yâkât komolân gâtņe gurâ yawuâk 12,000.

⁶ Otmu Asehât komolân gâtņe gurâ yawuâk 12,000. Otmu Naptalihât komolân gâtņe ya gurâ yawuâk 12,000. Otmu Manasehât komolân gâtņe gurâ yawuâk 12,000.

⁷ Otmu Simiongât komolân gâtņe gurâ 12,000. Otmu Lewihât komolân gâtņe gurâ 12,000. Otmu Isasahât komolân gâtņe gurâ 12,000.

⁸ Otmu Sewulungât komolân gâtņe gurâ 12,000. Otmu Yosepgât komolân gâtņe gurâ 12,000. Otmu bâiņeâmâ Benyamingât komolân gâtņe 12,000. Lohimbi komot yuņe Anitâhât pat othi.

Lohimbi kinņitņe orowâkņe kinmâ Anitâ yet Yesu mepaeyelekbi.

⁹ Ya ekmune pesuk sâmu yakât kakņan lohimbi kinņitņe orowâk hânņan kulemņan manbi yaņe taka menduhuakmâ kinņetâ yekban. Otmu lohimbi ya sâlipyongonomgât dop bia. Yaņe Anitâ otmu Lama Nanņe yâk yetgât gotyetņan kinbi. Kinmâ sâņgum kaok bolañ bolañ mânunakņetâ ge eņgatyeņambâ hârâtâhâk kinmâ ariop. Yâkņe awu tawu mem lapu lapu tuhum yuwu sâm Anitâ mepaem kinbi.

¹⁰ “O, Anitâ Tihit Amboņe. Gâņe nen gike pat sâm kuningion. Yakât otmâ ki hiliwahonom. Otmu gike nange, Lama Nanņe nengât tosehât otmâ umatņe miop. Yakât otmâmâ sâp yiwerenņe yuâmâ nenņe manman âlepņan manmâ gain.” Yawu sâwi.

¹¹ Yawu sânetâmâ anjelo kinjitne orowâkne menduhuakmâ Anitâ otmu Lama Nanje, sonjo papato imbât, lok kunne yâk kerek hawamyongom kurâp kinbi. Kurâp kinmâ Anitâ mepaem yuwu sâwi.

¹² “Nen Anitâ Ambonennjahât wâtņan manmain. Yâk nângân nângânne âilonjo. Otmu âlâlâ yakât amboņe oap. Yâhâmâ lanņinanâk tatmâ gamap. Manman amboņe yu bulâņe. Otmu yâkne buku âilonjo otningim gamap yakât mepaembisâin.” Yawu sâwi.

¹³ Yawu sânetâ lok kunne 24 yâk yengâlen gâtņane yuwu sâm âinohop. “Lohimbi yu sâņgum kaok bolan bolan mânunjakmâ kinsai ya wosakembâ takai? Otmu topyeneâmâ girawu?”

¹⁴ Yawu sâm âinohomu yuwu sâm ekuwan. “Nâmâ wongât âinohoat? Gâņe eknohoâyâ.”

Sâmune sâop. “Lohimbi yuâmâ emelâk kasalipyenane mem ge katyekne sâm mem âlâlâ tuhuyeknetâ hâhiwin kakņan manmâ gawi. Yawu otyiņņetâ sâtgum manmâ biwiyene Yesuhâlenâk katmâ manbi. Yakât otmâmâ emelâk Lama Nanje hepņane tosayene pirim ikne pat kuyiņgiop.

¹⁵ Yakât Anitâhât senņan kinmâ sâp ârândâņ yâk mepaem hoņ bawanņim manmai. Yawu otmâ manmâ yâhâņetâ Anitâ manman amboņane galem-yongom mâmâņe otyiņgimap.

¹⁶⁻¹⁷ Otmu Lama Nanje yamâ Anitâhât senņan kinmâ gamap. Yawuhât yâku yawuâk yâk yengât galem otmâ manman kârikne yakât to senņanâk dâiyekmâ arimu yan nem piriakmâ mepaeakmâ mannomai. Yawu otmâ Anitâņe yâk yengâlen umatne âlâlâ teteyiņgimapgât manman sânduhân katyekmâ wawaeyekbuap. Yakât kakņanâmâ

yâhâpņe torokatmâ enġat hako otmâ gilâp isenomaiahât dop ki tap. Me sotġât yâhâpņe ki po yinġimu munomai. Me tohât enġatyenġe ki saņ sâwuap. Me sikopņe yongomu yan wâtyenġe ki houņ sâwuap.”
Yawu sâop.

8

Lama Nanņe yâkņe ġâoņ bâiņe ya mem holaņmâ pilâop.

¹ Ya ekmune biatmu Lama Nanņe ġâoņ nombolân yâhâpņe ya mem holaņop. Mem holaņmu yanâk mun ya bialop. Mun ya biatmu Anitâ hawamġum kinbiņe in tatmâ hutuk sâm kinbi.

² Yawu kinņetâ kâlep ki otmâek aņelo nombolân yâhâp yaņe Anitâhât senņan tetem kinņetâ yekban. Kinņetâ Yesuņeâmâ lâmun nombolân yâhâp ya yinġimu mewi.

³ Otmu yâk yenġâlen ġâtņe âlâņeâmâ kondo ġoliņak tuhuwi ya memâmâ alata yan hotom uwi yakât nombotġen ari kinop. Otmu lohimbi nombotņe alata amutġen kinmâ yan Anitâ ulitġum manbi ya yenġât den ya haņ sâm yâhâmu tepņe nâņġayinġiâġât Yesuņe to kukņe suk suk yamâ ġâimu kondoân ya pik sâm iop.

⁴ Pik sâm imu aņeloņe mem moselemu Anitâhât hâmerņan yâhâop. Yâhâmu yanâmâ tepņe nâņġayinġiop.

⁵ Otmu ya pesuk sâmu aņelo yaņe alata yapâ kâlâp mem kondo kâlehen katmâ mem ari akņangen panmu hânân sem tok sâm ġiop. Hânân ġemu elem ya tok sâm belek sâmu himbim

gunḡuruḡ sâop. Himbim gunḡuruḡ sâm arimu mososoḡ pato miop.

Aḡelo kândikuḡe lâmunḡe kunop.

⁶ Otmu aḡelo nombolân yâhâp yaḡe lâmunyeḡe âlâku konok konok miakmâ kunne sâm otmâ men-duhuakmâ kinḡetâ yekban.

⁷ Aḡelo aḡoân lâmun kunop, sâp yanâmâ gelâk kândâk kândâk otmu kâlâp yaḡe hepḡak pato otmâ hânân kioḡmu ekban. Yâhâ hânân giop yaḡeâmâ puḡ sâm hewukḡe nombotḡeâk siop. Komot kalimbu gârâmâ yakât hohetyeḡambâ gâtḡe konohâk yaḡeâmâ sem meteop. Yâhâwâmâ talowot.

Aḡelo yâhâpḡaḡe lâmunḡe kunop.

⁸ Yawu otmâmâ aḡelo yâhâpḡaḡe lâmunḡe kunmu yan wahap âlâ giop. Yamâ kâlâp pato yawuya. Yaḡeâmâ ge saru kâlehen giop. Saruân gemu yan saru torehenḡe giowângen yaḡeâmâ hewâk pato olop.

⁹ Hewâk pato otmu saruân gâtḡe yan iwi ya aksihâk muwi. Otmu nombotḡe saruân waḡga mem bam gam otmâ manbi yâk gurâ yawuâk saru kakḡan gulip otbi. Yâhâ nombotḡe pato yamâ âlepḡe hâmeyeḡe kinop.

Aḡelo kalimbuḡaḡe lâmunḡe kunop.

¹⁰⁻¹¹ Aḡelo kalimbuḡaḡe lâmunḡe kunop. Kunmu pitu pato âlâ, kutḡe Kalak sâm, yaḡe sem laḡ laḡ sâm kioḡop. Yaḡe himbimâmbâ ewapâ gemu yan to senḡe senḡe yakât nombotḡeâk kalak olop. Komot kalimbuḡambâ komot konohâk yaḡeâmâ kalak olop. Yâhâ yâhâp yamâ ukenḡe yawuâk

olowot. Yawu otmu lohimbi nombotŋaŋe to kalak newi yaŋe muwi.

Aŋelo imbâtŋaŋe lâmunŋe kunop.

¹² Aŋelo imbâtŋaŋe lâmunŋe kunop. Kunmâ dewutâ emetsenŋe pitu topŋe topŋe laŋinyeŋe yamâ kâtâpgumu omoŋguop. Otmu dewutâ nombotŋe yamâ nombolâk pilâmu nomborâmâ omoŋguop. Otmu emetsenŋe yawuâk, otmu pitu gurâ yawuâk laŋinyeŋe inin pilâmu sânduk sâmiop. Yawu otmu hilâmgât emetsenŋe ya kâtâpgumu hilâm kârikŋan omoŋ sâhâop. Otmu dop yawuâk omoŋgât emetsenŋe ya gurâ kâtâpguop.

¹³ Otmu ya biatmu yakât kakŋan âlâ tetemu yuwu ekban. Tiwa pato pâp pâp sâmi hanŋân yâhâm arimu ekban. Hanŋân yâhâm ari kârikŋe halahum yuwu sâop. “Bâe, âlâlâ teteap yuâmâ ki orotŋe. Aŋelo nombotŋe âlâ yâkŋe lâmunyeŋe kunne sâmi oai. Kunŋetâ sâp yanâmâ umatŋe topŋe topŋaŋe lohimbi kakyeŋan yâhâwuap. Hâmbâi yan girawu otnomai sâmi nâŋgâm oan yukâ.” Yawu sâop.

9

Aŋelo momenŋaŋe lâmunŋe kunop.

¹ Aŋelo momenŋaŋe lâmunŋe kunop. Kunmu yan pitu pato âlâŋe himbimâmbâ gemu ekban dop yawuya aŋelo âlâŋe himbimâmbâ gem hanŋân kioŋop ya tetemu ekban yakât topŋeâmâ yuwu. Yâkŋe hem nâpumŋe yapâ âlâlâ bâleŋe topŋe topŋe holaŋmu yahatmâ ariâkgât himbimâmbâ giop.

² Gem hem nâpum yakât gahatŋe ya mem pilâmu aŋ sâmu utun pato gam yâhâm emetsenŋe ya kâtâpguop. Kâtâpgumu omoŋ pato sahaŋop.

³ Otmu utun yâhâop yakât biwiñambâ dimun tem pato ya teteop. Tetem utun ya biwiñambâ gemâmâ kulahâ bâleñaje ningimap dop yawuâk yiñgiop.

⁴ Otmu amboyenajeâmâ yuwu sâmb ekyongop. “Yenâmâ nak me senje âlâlâ esenje ya nene sâmb ki genomai. Me Anitâhât lohimbi undip katyiñgiñetâ yâkât pat otmâ mansai yâk yekmâmâ hâhiwin ki yiñginomai. Yâhâ nâje mâmâje otyiñgimune ari lohimbi tâñât, undipyenje bia yamâ hâhiwin pato yiñginomai.

⁵ Hâhiwin yiñgiñetâ sât gum manñetâ emetsenje mome pesuk sâmbu yanâmâ sânduk sâmbuap.” Yawu sâmb hângânyongop.

⁶ Hângânyongomu ge lohimbi yiñgiñetâ hâhiwin nângâwi ya biatyîngiâkgât mâtâp hâmb pâp gum manbi. Hâhiwin ya yawuâk nângâm manñetâ emetsenje mome pesuk sâmbu yanâk hâkyenje sânduk sâmb.

⁷ Otmu dimun yajeâmâ yiñgine sâmb beâsiñje beren beren otmâ kinmap dop yawuâk otmâ kinñetâ yekban. Yâhâ kunyeneâmâ ñerenden goliñak tuhumai yawuya mem lok papatone ñerenden horarangi mai dop yawuyaje horarangi kinñetâ yekban. Kun kundenyenje yamâ lok nengât kun kunden yawuya.

⁸ Yâhâ somotyenje yamâ kâkâlep yaje silik solok sâmb giop. Yâhâ sâtyenje yamâ puaia sâtñaje kâkitik sâmbap, dop yawuya.

⁹ Yâhâ dihinyenahât katipñe yamâ hâmbâ kârikñe yawuya. Yâhâ penjamyenje mun pato pilâop yamâ gâmbut huwuwuñ sâmb gam arimu

nângâmain yawuya bia. Ya wangim dop âlâ olop.

¹⁰ Yâhâ sopyeñeâmâ boson boson sopne yawuya. Otmu yañeâmâ lohimbi kârâyekmu hâhiwin pato nângâwi. Hâhiwin pato nângâwi yakât kakñan emetsenñe mome pesuk sâop.

¹¹ Otmu amboyeñe yamâ anjelo âlâ hem nâpum pato tumuñe ki ehekñe yakât amboñe. Anjelo yakât kutñe yamâ Isirae yengât denân Awaron, yâhâ Girik denân Apolion sâmai. Yakât topñeâmâ yuwu tap. “Kiom Amboñe.”

¹² Otmu anjelo momerâñe lâmunyeñe kunbi yapâ umatñe teteop yamâ bialop. Otmu umatñe yâhâpñe otmu kalimbuñe tetewe sâm olop.

Anjelo nombolân konokñeñe lâmunñe kunop.

¹³ Anjelo âlâ nombolân konok yañe lâmun ya kunop. Kunmuâmâ alata amutgen kinbi yañe Anitâ yuwu sâm ekuwi.

¹⁴ “Emelâk anjelo imbât yañe to pato âlâ, kutñe Euparata sâm, yan lohimbi bâleñe yañe matñe menomai yakât mambotmâ tatñet sâm dâmân kâlehen katyekñetâ tatbi. Katyekñetâ tatñetâ emelâk yongone sâm yakât hewewen otmâ mitiwahom tatbi. Yâhâmâ matñe yingñetgât anjelo lâmun kunmâ kinsap yu hângângurâ holanyekmu arinñetgât nañgain.” Yawu sâwi.

¹⁵ Yawu sâñetâ yanâk ari holanyekmâ lohimbi kâsipyonñetâ komot kalimbu otbi ya yengât ho-hetyeñambâ gâtñeñe komot konok mem gulip tuhuyekñetgât sâm hângânyongop.

¹⁶ Hângânyongomu emelâk arine sâm bunewâk heñgemahom tatbihât yapâ yahatmâ ariwi. Otmu yâk yengât kapam lok beâsi kakñan tatbi ya

sâlipyongonmgât dop bia. Yamâ komot pato, 200 milion yawu.

17 Otmu kapam lok beâsi kakņan ariwiņe kapamgât hâk katipņe topņe topņe mem haņgalakbi. Nombotņe kisi kisi, nombotņe kurin, kâlâp koketņe kuhuluņ kuhuluņ yakât dop me hep yawuya, yâhâ nombotņe gimbaņ yawuya. Yâhâ beâsi yeņgât towatyene yamâ yuwu. Kuyene yamâ pusi pato, kutņe Laion sâm, yâkât kunņe yawuya. Wâtyene pato tatyinņiop yakât lauyenambâmâ kâlâp pato sem kilik kilik sâm punduņ sâm kinmap yawuya ekban. Yaņe ari lohimbi kâsipyongonņetâ komot kalimbu otbi ya yeņgât hohetyenambâ gâtņe komot konok sem gulip tuhuyekņetgât sâwi.

18-19 Yamâ betyenehen otmu dâtâpyenehen yamâ sâtņeâk hârok. Yâhâ hapeyenaĥât sâtņe yamâ mumakgât sâtņe dop yawuya bia. Ya wangiap. Yaņe lohimbi kerek hilipyongomu hâhiwin dondâ nâņgâm muwi.

20 Otmu lohimbi komot kalimbu tatbi. Yapâ gâtņe komot konok emelâk gulip otbi. Yâhâ komot yâhâp tatbi yaņeâmâ orotmemeyene bâlene ya ki bet pilâwi. Yamâ kuyene kârikņe otmâ torokatmâ weke bâlene yeņgât nâņgâņetâ bonņe otmu mepaeyekbi. Yâhâ Porom Lâpio yawuya yeņgât umutyene ya hâwiwi, me kâtņak gâiwi, me goliņak me siliwaņak um kutakum yaņak mepaewi. Yawu otmâ wahap tâņât, hâlne bia, yakât nâņgâņetâ yahalop.

21 Otmu kombo meyiņgine sâm dondâ yongonņetâ muwi. Me sait bâlene, me karasuņa, me kâwâ

konda me âlâlâ ya otbi. Yawu otmâ manmâ Anitâhâlen biwi nângân nângânyenjanje ki kepeiwi. Orotmeme bâlenje ya torokatmâ otmâ manbi.

10

Aņelo âlâņe pepa mem Yoane wanmu niop.

¹ Otmu ya pesuk sâmu aņelo âlâ ekban. Yamâ wâtņe pato nandoroņe tatbaņgiop yaņe himbimâmbâ elem kulewoņboņ biwiņambâ gemu ekban. Aņelo yakât kun kundenņe yamâ sikopņe siliņ siliņ sâm hâumap yakât dop otmâ laņinņe pilâmu yâkât kun kundenņan yamâ hambe mohat yaņak pato otmu ekban. Kâi pawutņe yamâ kâlâp semu koketņe laņ laņ sâm imap dop yawuya.

² Yâhâ bâtņan pepa mem talop yaņe perereņ sâop. Otmu kâiņe perereņ sâm bonângenņe saruân tâlim kanehenņe hânân tâliop.

³ Yawu otmâ yan halahuop. Halahumu elem pato ya hâreakmu himbim guņguruņ sâmu nângâwan.

⁴ Topņe ya nângâm kulemguwe sâm ot tatmune benņe, Yesuņe himbimâmbâ den âlâ yuwu sâop. “Yoane, elem kulewoņboņ munņe pilap yakât topņe ki kulemgu. Yamâ inâk ândâwâk nângâm biwihanâk katbuat.” Yawu sâop.

⁵ Otmâ aņelo yaņe bâtņe bongen siwira hom panmâ himbimân ekmâ yuwu sâop.

⁶ “Anitâ manman amboņe. Gâ embâņân tatmâ gaon. Otmu tatmâ gat, mâne tatmâ yâhâwion. Wâtge kârikņe pato tatgihiap. Yawu tatgihiapgât otmâ himbimân, hânân, toen, saruân, me senņe

âlâlâ wosapâ wosapâ tatmâ arai ya gâñe sârâ tetewi.

⁷ Wâtge pato yawu tatgihiap yakât otmâ sârâ sâp pato yu emelâk tâlâhuap. Yakât otmâmâ sâp yiwerenje yu alata amutgen kinsai ya yengât nângâmâmâ kasalipyenje matje bâlene yingirâ meñet. Otmu emelâk gâñe poropetelipge den ekyongorâ sâm tetem gawi yakât bulâñe yiwerenje teteâkgât yakât añelo nombolân yâhâpñaje lâmunje ya kunâk.” Yawu sâop.

⁸ Yawu sâmu yanâk Yesuje himbimâmbâ yuwu sâm eknohop. “Añelo kâñe nombotje hânân tâlim nombotje saruân tâlim pepa mem perereneñ tuhum kinsap ya ari bânñan me.” Yawu sâop.

⁹ Yawu sâmu arimune añelo yañe yuwu sâm eknohop. “Pepa yu gihimune mem ne. Nendâmâ lauhan membuap. Yâhâ nem kut pilârâ tepgan gewuawâmâ tepge irik irik sâmu hâhiwin nângâwuat.” Yawu sâm eknohop.

¹⁰ Yawu sâm mem nihimu newan. Mem nemune kâkânan bâok sâop. Yâhâ tepnan giop yanâmâ hâhiwin nihiop.

¹¹ Hâhiwin nihim yanâmâ yuwu sâm eknohop. “Gâ ihilâk lohimbi hânñan kulemñan kapi wosapâ me wosapâ manmâ arai ya yengâlen ari yu me ya teteyingiwuapgât topñe sâm tetem ekyongowuat.” Yawu sâm eknohop.

11

Anitâhât hoñ bawa lok yâhâp yâk yetgât topyetje

¹ Otmu kapam dop tuhu tuhu ya mem nihim yuwu sâm eknohop. “Gâ yahatmâ ari. Anitâhât opon kâmbukñahât ginñe hotom umai yakât

tunguŋe nombot yakât dop tuhum ek. Otmu lohimbî nombotŋaŋe Anitâ hoŋ bawanŋim mepaem kinsai ya amonŋe kinsai ya sâlipyongom dopyeŋe nâŋgâ.

² Yâhâ Anitâhât topŋe ki nâŋgâmai yamâ yae-hen tai yâhâmâ kasalipyenŋaŋe taka emet kapiyeŋe Anitâhât kawenŋe tap ya limbârŋum hâhiwin yiŋŋiŋetâ sâtŋum mannomai. Sâtŋum manŋetâ emetsenŋe 42 pesuk sâwuap. Yakât otmâ yâhâmâ ki sâlipyongowuat. Pilâyekdâ in tatnomai.

³ Yawu otmâ hâhiwin nâŋgâm sâtŋum manŋetâ yan nâŋe hoŋ bawayâhâtne yâhâp katyelekmune lohimbî yaŋe munomaihât kou kendâmahom kun-yetŋan kepeim Anitâhât topŋe sâm ekyongom manmutâ emetsenŋe 42 pesuk sâwuap.” Yawu sâop.

⁴ Yâhâ Anitâhât hoŋ bawa lok yâhâp yâk yetgât topyetŋeâmâ yuwu. Yâhâmâ nak âlâ, kutŋe oliwa sâm, yawuya. Me balam yâhâp sem kilik kilik sâm kinmap yawuya. Yâkŋeâmâ Anitâ hoŋ bawanŋim yâkât topŋe sâm tetem ekyongom mandomawotgât sâm yitgiop.

⁵ Yâhâ tetemu ekban yakât torokatmâ yuwu sâwe. Lohimbî nombotŋaŋe orotmeme bâleŋe otmâ mansaiŋe yotgone sâm gotyetŋan arinŋetâ yâk yetgât lauyetŋambâ kâlâp punduŋ sâm seyekbuap. Yakât sâm kalop.

⁶ Lok yâhâp yaŋeâmâ Anitâhât wâtŋan kinmâ gelâk âlâ ki giâk sâmutâ ki gewuap. Sâp yan Anitâhât den ekyongoromawot. Yâhâ to senŋaŋe hep olâk sâmutâ hep otbuap. Me kundat umatŋe topŋe topŋe teteyiŋgiâkgât nâŋgâromawot ya gurâ âlepŋe

teteyingiwuawâk. Yakât wâtyetņe pato tatyitgiap.

⁷ Otmu Anitâhât den ya sâm tiņ pilâromawot yan hem nâpum bâleņahât amboņe yaņe yapâ yahatbuap.

⁸ Yahatmâ kapi âlâ kutņe âiņe Sotom sâm, otmu kutņe âlâmâ Aihita, yan Kutdâyetņe howanân kuņetâ muop kapi yan ari kasa otyitgim yotgomu mundomawot.

⁹ Yawu otyitgimu yan mitihât kasa hânņan kulemņan kapi wosapâ me wosapâ gâtņeņe yâk yetgât den pat ya nâņgâm taka yelekmâ mem hanyotgomaihât galemyetņe kinņetâ ki mem hanyotgonomai.

¹⁰ Yawu otņetâmâ nombotņeņe yuwu sânomai, “Bâe, hoņ bawa yâhâp yuņe taka hâhiwin kakņan katnenekmutâ sât gum manmâ gain ya muawot.” Yawu sâm bukulipyene orop yeņeâk heroņe nanņanņim senņe âlâlâ aņgi guņgi otmâ yâhânomai. Otmu yâk yetgât sâm torokatyitgim oņ giriņ otnomai.

¹¹ Yawu otņetâ hilâm kalimbu otmu âlâhât nombolâk ya pesuk sâmu imbâtņan hilâm kârikņan yanâmâ Anitâhât Wât gât mâmâņahât Heakņe ge mâmâņe otyitgimu yahatdomawot. Yahatmâ kinmutâ yan lohimbi nombotņeņe gotyetņambâ gam arinomai yaņe yelekmâ umutyene arimu kiņgityeņahât dondâ otnomai.

¹² Yawu otmutâ yanâk himbimâmbâ Yesuņe den âlâ yuwu ekyotgowuap. “Yet yuân gayet.” Yawu sâm ekyotgomu elem kulewoņboņ biwiņambâ yâhâmutâ kasalipyetņeņe yelekņetâ sâtņe otbuap.

¹³ Yâhâromawot yanâk mososoņ pato membuap. Memu emetyene mem gâsuk tuhumu amon âlâek

yaŋe putuk sâwuap. Otmu lohimbi matŋe 7000 yongomu munomai. Muŋetâ yanâmâ lohimbi nombotŋe ki hiliwahonomaiŋe Anitâhât kulem ya ekŋetâ sâtŋe otmu yâkât nâŋgâŋetâ yahatbuap.

¹⁴ Umatŋe yâhâp teteap yamâ pesuk yap. Yakât kakŋan kalimbunŋe yu tetewe sâm oap.

Anŋelo nombolân yâhâpŋaŋe bâiŋe lâmunŋe kunop.

¹⁵ Anŋelo bât nombolân yâhâpŋe, bukuyenŋe bâiŋe yaŋe lâmun kunop. Kunmuâmâ anŋelo kiŋgitŋe orowâkŋe den kârikŋan yuwu sâŋetâ gemu nâŋgâwan. “Kutdânenŋe Anitâŋe nanŋe hâŋgângumu ge lohimbi yenŋât lok kutdâ manmâ tihityenŋe otmâ manbisâp yakât sâp emelâk tâlâhuap.” Yawu sâm mepaewi.

¹⁶ Otmu lok kunŋe papato 24 ya Anitâ hawamgum tatmaiŋe yuwu sâm Anitâ kiki mewanŋiwi.

¹⁷ “O, Anitâ, Wâtŋât Amboŋe. Embânŋân hân himbim ki kândikyotgonâmbâek tatmâ gaon. Otmâ tatmâ gamat.

Sâp yiwerenŋe yu topŋe katmâ lohimbi hânŋan kulemŋan manmâ arai yamâ gâŋe galemeyenŋe pato otmâ yâhâwuat. Yakât nâŋgâmunŋe hân himbim pâroŋ oap.

¹⁸ Yâhâ lohimbi nombotŋaŋe gâhât topge ekmâ nâŋgâhihiŋetâ gemu betgihim komolipge mem âlâlâ tuhuyekmai. Yawu otmâ orotmeme bâlenŋe otmâ manmâ gai yakât matŋe yinŋiwe sâm oat. Matŋe yinŋiwe sâm otdâ kuk pato otmâ ahone sâm oai. Otmu gâŋe lohimbi kerek yenŋât biwiyenŋe ekmâ

nângâm matŋe yinŋiwuatgât sâp ya tâlâhuap.
Yakât otmâ gâ mepaeheksain.

Otmu sâp yiwerenŋe yuâmâ poropete
nombotŋaŋe gâhât tem lâum manmâ gawi,
me lohimbi nombotŋaŋe gâhâlen biwi nâŋgân
nâŋgânyenŋe kepeim manmâ gawi, yâkŋe
hâmeŋe âlepŋe menomaihât sâp yu tâlâhuap.
Yakât sâm gâ mepaeheksain.”

¹⁹ Yawu sâm kiki mewanŋinjetâ Anitâhât opon
kâmbukŋe himbimân tap yakât gahatŋe ya hin-
dakmâ aŋ sâm kinop. Hindakmâ aŋ sâm kinmu
yakât kâlehen girem den sâm kulemgum kalop
yakât katipŋe ya tetekŋan otmu ekban. Yawu otmâ
belek sâm himbim guŋguruŋ sâm gelâk kândâk pap-
ato giop. Yawu otmâ yan mososoŋ pato memu hân
hârohâk sân sân sâop. Yawu tetemu ekban.

12

*Imbi âlâŋe naom memu puaiŋe nem kereŋgetbe
sâm olop.*

¹ Kulem âlâ himbimân yuwu tetemu ekban.
Imbi âlâ hâk katipŋe mânunjakmâ talop yakât kun-
denŋeâmâ sikopŋe siliŋ siliŋ sâm hâumap yawuya.
Yâhâmâ omonŋât emetsenŋe laŋinŋe pilâop yakât
gotŋan kinop. Yâhâ kunŋe mâpuŋanâmâ pitu kâiân
yâhâp tatbi.

² Otmu imbi yamâ tepdâek. Yawu gârâmâ naom
ya membe sâm hâliliakmu hâhiwin nâŋgâm isem
talop.

³ Yawu olop yakât kulem âlâ himbimân yuwu
tetemu ekban. Puaia kuriŋ bâleŋe yawuya.
Kunŋeâmâ bât nombotgen yâhâp. Yâhâ kunŋe

ya ârândânâk lok papatonje njerenden horaraŋgimai yawuyaje hârâtâhâk horaraŋgim talop. Yâhâ ñilipñeâmâ bât nombot nombot hârok.

⁴ Yâhâ yaje himbimân pitu kâsipyongomu komot kalimbu otbi. Komot konok yamâ aksihâk hapeñaje gâwâreyekmu pek sâm hânân gewi. Yâhâ komot yâhâp yamâ pilâyekmu yanâk tatbi. Otmu imbi yaje naom ya memu puaiañe nembe sâm imbi yakât gotñan ba kinop.

⁵ Yâhâ imbi yaje naom miop yajeâmâ hâmbâi lohimbi hârok yeñgât lok kutdâ manmâ tihityeñe otbuapgât Anitâñe emelâk sâm kalop. Otmu puaiañe nembe sâm otmu sâp yan Anitâñe sâmu naom ya himbimân yâhâmâmâ orowâk talowot.

⁶ Yawu otmu imbi yajeâmâ kingitñahât otmâ sururuk sâm ari lok ki manmaiângen Anitâñe yâkât kawe mem heñgeñguwaŋgim kalop yan ariop. Yan arimu Anitâñe tihitñe otmâ yâhâmu emetsenñe 42 ya pesuk sâop.

⁷ Yâhâ imbi yaje lok ki manmaiângen ariop sâp yanâmâ himbimân kapam pato teteop. Kapam pato tetemu yan añelo patoyeñe, kutñe Mikae sâm, yâkñe añelolipñe meyekmu puaia yakât komolipñe ya yongom mem ge katyekbi.

⁸ Mem ge katyekmâ himbimâmbâ watyekñetâ hânân yuân gewi.

⁹ Yawu gârâmâ puaia kunsain yâkât kutñe yamâ Haknenñan Sâmâp, otmu kutñe âlâmâ Satan, yaje lohimbi kerehâk kâityongom mem lohotñe tuhunenekmap.

¹⁰⁻¹¹ Otmu alata amutgen kinbi yaje yuwu sâñetâ nâñgâwan. “Satanñe Anitâhât senñan

kinmâ haonmâ ârândân nen Anitâhât komolipņe den âiân katnenekmâ mem bâlenenekbe sâmb gamap. Yawu gârâmâ Anitâņe nanņe sârerenenekhâkgât hânġângumu gem nengât sâmb muop ya mumuņambâ mem yahalop. Yawu gârâmâ sâp yiwerenņe yuâmâ yâkņe sâmbu yâkât aņelolipņanņe Satangât komolipņe watyekņetâ ġiai. Otmu Lama Nanņe yâkâlen torokatmunņe mâmânņe otningimu Satan otmu yâkât hoņ bawa me mitihât kasa takanņetâ lohotņe ki otmâ manbin. Yawu otmâ kârihem kinmâ Lama Nanņe yâkât tem lâuwanġim mepaewin. Mepaemunņe yakât matņe kasalipņanņe taka nongonņetâ muwin. Yawu gârâmâ Anitâ Kutdânenņe wâtņe pato tatbanġimapņe nen mem henġenġunenekbuapġât mâtâp teteap.

¹² Otmu Lama Nanņe ya mumuņambâ mem yahalop yan Satan mem ge kalop. Yâhâ yakât dopņeâk nenņe Satangât hoņ bawa ya mem ge katyekbin. Topņe yawuhât otmâ himbimân ġâtņe yeņe heronņe otbanġim mepaem mannomai. Yawu gârâmâ hâmbâi Anitâņe Satan mem ge katbuap yakât Satanņe nânġâm kuk pato otmâ yakât matņe sâmb hânân ge lohimbi mem ge katyekbe sâmb olop. Yawu gârâmâ yakât nânġâm tepnenņe dondâ bâleap.” Yawu sâņetâ nânġâwan.

¹³ Yakât otmâ puaiņe yuwu nânġâop. “Bâe, hânân ġian yukât matņeâmâ imbi yakât naom ya muâkgât nanġan” yawu sâop.

¹⁴ Yawu sâop yakât otmâ Anitâņe sâmbu tiwa penġamņe yaņe imbi ya âlihitbanġiwi. Âlihitbanġiņetâ yahatmâ pâp pâp sâmb lok ki manmaiângen Anitâņe kawe henġenġuwanġiop

yan ariop.

¹⁵ Arimu puaia kuring bâleŋe yaŋe imbi ya hilipguwe sâm lauŋe aŋmu yapâ uwurup pato gam kionop.

¹⁶ To yaŋe gam kionmâ imbi ya nem kereŋgetbe sâm olop. Yawu olop yamâ imbi yaŋe torokatmâ manmâ yâhâmu emetsenŋe 42 pesuk sâekgât Anitâŋe sâm pumŋe âlâŋe bâok sâm to ya lâum kurihiop. Lâum kurihimu imbi ya hâmeŋe kinop.

¹⁷ Hâmeŋe kinmuâmâ puaiŋe ekmâ kuk bâleŋe olop. Kuk bâleŋe otmâ imbi yakât komolipŋaŋe Yesuhât den pat âlepŋe ya nâŋgâm mem biwiyenjan katmâ Anitâhât tem lâum manbi. Komot yengât puaia yaŋe kuk bâleŋe otyingim itit kiom tuhuyekbe sâm ariop.

¹⁸ Ari saru sâtŋan kinop.

13

Sonjo sâtŋe kârikŋe yamâ kunŋe nombolân yâhâp.

¹ Saru sâtŋan kinmâ halahumu sonjo âlâ, sâtŋe kârikŋe, yaŋe saruâmbâ gamu ekban. Sonjo sâtŋe kârikŋe yamâ ŋilipŋe bât nombot nombot hârok. Yamâ lok kutdâ yengât irimut horaraŋgimai ya ŋilipŋan konok konok horarakmâ talop. Kunŋe yamâ nombolân yâhâp yanâmâ Anitâ watmâ yâkât kawenjan kinbe sâm yan ikŋe kutŋe konok konok kulemguaqmu talop.

² Yâhâ orotmemenŋe yamâ yinsiwet kârikŋe yawuya. Yâhâ kâiŋe bâtŋe yamâ tiwa yawuya. Sâtŋeâmâ puaia sâtŋe yawuya. Yâhâ puaia ya emelâk ekban yakât wâtŋan kinmâ tem lâuwanŋgiop.

³ Yâhâ sonjo yamâ emelâk kasaŋe kunje nombolân yâhâp yakât hohetyeŋan gâtne konok kuop. Kumu hepne pato ga kionmu wip sâm benje yaŋak sâwâewangiop. Sâwâewangimu lohimbi hânŋan kulemŋan manbiŋe ya ekŋetâ sâtne olopgât yâkâlen torokatmâ yâkât nânġâŋetâ yahalop.

⁴ Nânġâŋetâ yahatmu yuwu sâwi. “Bâe, sonjo kârikne bâlene âlâlâ kerek wangiyeŋsap. Yawu gârâmâ lok girawu yaŋe mem ge katbuap?” Yawu sâm sonjo yakât nânġâŋetâ yahalop. Yawu gârâmâ sonjo ya konok ki mepaewi. Sonjo yakât amboŋe puaiŋa yaŋe mâmâŋe otbaŋgiop yakât otmâ yâk yâhâp yâhâp nânġâyitgiŋetâ yahatmu mepaeyelekbi.

⁵ Anitâŋe ya ki ekmâ sâyitgiopgât sonjo yaŋe Anitâhât nânġâmu gemu mem ge katbe sâm yuwu sâop. “Anitâ ya emelâk wâtne biatmu mem ge kat-san.” Yawu sâm ikŋahât nânġâmu yahalop. Yawu otmâ kârikne otmâ manmu emetsenŋe 42 ya pesuk sâop.

⁶ Yâhâ sonjo sâtne yaŋe Anitâ mem ge katbe sâm yakât sâm bâlewaŋgiop. Dop yawuâk himbimân manbi ya yeŋgât sâm bâleyiŋim manop.

⁷ Yawu otmâ Anitâhât lohimbi ya kuk otyiŋim kerehâk mem lohotne tuhuyekmâ mem ge katyehop. Mem ge katyekmâ lohimbi hânŋan kulemŋan manbi ya yeŋgât kunje manop.

⁸ Yakât otmâ lohimbi nombotne Anitâhât pat ki otbi yamâ sonjo yakât nânġâŋetâ yahalop. Yâhâ lohimbi nombotne Anitâhâlen torokatmâ manbi yaŋeâmâ sonjo ya ki mepaewi ya yeŋgât

topyeŋe yuwu. Emelâk embânân Anitâŋe hân himbim ki kândikyotgop sâp yanâk lohimbi yaŋe biwiyenê Lama Nanŋe kuŋetâ muop yâkâlenâk katmâ mannomai yâk yengât Anitâŋe nâŋgâop. Yâk yengât nâŋgâm kutyenê pepaen kulemgum Lama Nanŋe waŋmu memu manman kârikŋe yakât pat kuyiŋgiop. Yawu.

⁹ Otmu yeŋe den kulemguan yu sâlikum topŋe nâŋgâŋetâ keterahâk.

¹⁰ Lohimbi nombotŋeâmâ hâhiwin kakŋan mannomai. Ya teteyiŋgiwe sâŋ otbuap yan ki misiŋguraknomai. Yawu otnomaiân kasalipyenêŋe mem pâi emetŋan katyeknomai yan sâtŋum mannomai. Yâhâ nombotŋeâmâ kapamŋe mem yongonomai. Ya teteyiŋgiwe sâŋ otbuap yan âlâengen ki arinomai. Ya ihilâk yongonomai. Umatŋe ya teteyiŋgiuwawân yakât nâŋgâm Yesuhâlen biwiyenêŋe kepeim manmâ yâhânomai. Yawu otmâ manŋetâ Anitâŋe meyekbuap. Otmu umatŋe topŋe topŋe teteyiŋgiuwap yan yakât nâŋgâm ki gorâyŋgiuwap.

Sonŋo sâtŋe kârikŋe âlâŋe lohimbi menduhuyekmâ ikŋe kulem bâtyenŋan otmu meteyenŋan kalop.

¹¹ Otmu kulem âlâ yuwu tetemu ekban. Sonŋo sâtŋe kârikŋe âlâ ekban yaŋe hân tumuŋambâ pindilakmâ yahalop. Nilipŋeâmâ lama lokŋahât ŋilipŋe ekmain yawuya. Yâhâ denŋe eŋgatŋe yamâ bau hulin yerâmunŋe hâok hâok sâmap yawu.

¹² Otmu yamâ emelâk aŋgoânâk sonŋo sâtŋe kârikŋe ekban yaŋe emelâk mâmâŋe otbaŋgiop. Mâmâŋe otbaŋgiop yâkât lohimbi yaŋe nâŋgâŋetâ

yahatmu yâkâlen torokatmâ manjetgât sâm ekyongop.

¹³ Otmu Anitâne mâtâp manjum ki mem ge kalop yakât otmâ haonmâ ârândân kulem topne topne meminiop. Yawu otmâ lohimbî senyejan kinmâ sâmu kâlâp pato âlâ himbimâmbâ ge hânân pundu sâmu ekbi.

¹⁴ Yawu otmâ yakât lohimbî dondâ yuwu sâm kâityongop. “Yen sonjo kunje sâwâeop yakât umutne hâwinjetâ kundenje teteâk.” Yawu sâm yingiop.

¹⁵⁻¹⁷ Yawu sâm yingimu Anitâne mâtâp ki manguyingiop yakât otmâ yâkât tem lâum umutne ya hâwinjetâmâ mâmâne otbajimu yahalop. Yahatmâ ikne mepaem manjetgât den sâm yingiop. Den sâm yingim lohimbî topne topne, geheje me yahat yahatne, kutyene orop me kutyene bia, iri sikum tatingiop me umburuk manbi, ya kerehâk menduhuyekmâ ikjahât kulem towatne bâtyejan otmu meteyejan kalop. Yawu katyingimu yapâ gâtneje yâkjak sot me senje âlâlâ ya ari puluhunomaihât dop ya teteyingiop. Yawu otyingimu yâkât nângânetâ yahatmu mepaem manbi. Yawu gârâmâ lohimbî nombotneje yâkât ki nângânetâ yahalop yakât otmâmâ matne yingimu mem muwi. Yawu.

¹⁸ Otmu yeje den kulemguan yu sâlikum nângânetâ keterahâk. Yâhâ sonjo sâtnje kârikne ya tetewuap yamâ dopneâmâ 666, dop yaneâmâ lok âlâhât kut ya miop. Yawu.

*Lohimbi kinğitņe orowâkņe Lama Nanņe otmu
Âwâņe yetgât nâņgâņetâ yahalop.*

1 Otmu ya pesuk sâmu kulem âlâmâ yuwu tetemu ekban. Pumņe pato âlâ, kutņe Sion sâ, yamâ Yerusalem kapi yan tap yakât dop yamâ himbimân tap. Lama Nanņe yaņe yan kinmu ekban. Otmu yanâmâ lohimbi dopyeņe 144,000 Anitâņe meyekmâ himbingât pat kuyiņgiop yâkņeâmâ yâkât senņan kinbi. Kinmâ amboyâhâtyeņe, Lama Nanņe otmu Âwâņe, yâk yetgât kutyetņe yamâ yeņe meteyenņan kulemguakmâ kinbi.

2 Otmu sâp yanâk munņe yuwu tetemu nâņgâwan. Tâlâm pato âlâ yerâmu munņe pilâmap yakât dop, me himbim guņguruņ sâmu nâņgâmain dop yawuya, me âlâmâ, lok dondâņe menduhuakmâ waņgam kunņetâ nâņgâmain yawuya, yaņe haņâmbâ gemu nâņgâwan.

3-5 Otmu lohimbi 144,000 yaņe soņgo papato imbât otmu lok kunņe 24 yaņe Anitâhât dâtâpņan kinbi yâk hawamyongom kinmâ Anitâ mepaem kiki mewaņgiwi. Kiki mewaņgiņetâ nâņgâwan. Otmu lohimbi yu yan yuņeâmâ hânân yuân ihilâk mahilâk ki manbi. Yâkņe uwawaņņe bia manbi. Otmu den perâkņe me den guruk ki sâ, manminiwi. Lohimbi yawuyaņe Lama Nanņahâlen biwiyeņe kepeim manmâ yâkât tem lâum manminiwiņe Anitâ yet Lama Nanņe yetgât pat manbi. Yawu otmâ yâk hawamyongom kinmâ Anitâ mepaem kiki mewaņgiņetâ yekban. Kiki yakât topņeâmâ lok ihilâk mahilâk manbi yaņe ki nâņgâwi. Lohimbi Yesuhâlen torokatmâ manbi

yâkņak kiki yakât topņe nâņgâm mewañgiwi.

Anitâņe aņelolipņe kalimbu hâņgânyongomu denņe sâmb tetewi.

⁶ Kulem âlâ yuwu tetemu ekban. Anitâņe aņelo âlâ hâņgângumu haņâmbâ pâp pâp sâmb ari lohimbi hânņan kulemņan mansai yâk yeņgâlen ari yuwu sâmb ekyongop.

⁷ “Yeņe biwiyene Yesuhâlen katmâ yâkât tem lâum manmâ embâņân aņgoânâk Anitâņe pat kuyiņgiop ya meņet. Anitâņe lohimbi topyene ekmâ den sâmb hâreyiņgiwe sâmb oapgât sâp pesuk sâwomap. Yakât otmâmâ yenâmâ yâkât tem lâuwañgim yâk konok mepaenet. Ambonenņe Anitâņe hân himbim kândikyotgop. Otmu âliwahap topņe hânân kalop. Yakât yâk konok mepaem mannomai.” Yawu sâmb ekyongop.

⁸ Otmu yakât kakņan aņelo âlâ tetemu ekban. Yâkņe yuwu sâop. “Kapi âlâ, kutņe Bawilon sâmb, yakât ambolipņane lohimbi nombotņe hânņan kulemņan manmâ ariwi ya yeņgâlen ariwi. Ari yeņahâk orotmemeyene kiņgoņ otbi ya yawuâk otņetgât sâmb kendâyiņgiņetâ nâņgâyiņgiwi. Yakât matņeâmâ Anitâņe itit kiom tuhuyekmu kâwurumņe kinâk.” Yawu sâop.

⁹⁻¹¹ Otmu yakât kakņan aņelo âlâ kalimbune tetem yan den kârikņe halahum yuwu sâop. “Lohimbi nombotņane soņgo sâtņe metņe ikņe otmu yâkât umutņe nahân hâwiņetâ golâ otmâ yahalop yâk yetgât nâņgâņetâ yahalop. Otmu yâk yetgât kulem yamâ bâtyeņan otmu meteyeņan kulemguakmâ mansai ya yeņgât Anitâņe kuk pato

otyingim gap. Kuk otyingimu yakât otmâ lohim-biñe Lama Nanñe muop yâkât anjelo koko salek ya yengât senyenjan kinñetâ kâlâp patone seyekbuap. Seyekmu sât gum manmâ yâhânomai. In yawu ki pesuk sâyinñiwuap. Sâp kâlep seyekmâ yâhâwuap.” Yawu sâop.

¹² Yâhâ yenâmâ biwi nângân nângânyene Yesuhâlen katmâ Anitâhât den lâuwi yamâ ya yawuâk torokatmâ mannomai. Otmu biwiyene yakât galemne orangim mannomai.

¹³ Yesune Anitâhât gotñan kinopne yuwu sâm eknohop. “Yoane. Gâ den yuwu sâmune kulemgu. Lohimbi biwiyene nâhâlen kepeim mansai yâk yengât kasalipyenane nângâñetâ bâlemu yongom mem âlâlâ tuhuyekñetâ munomai. Yamâ sâp âlâen yâkne manman kârikne memâmâ manman sânduhân manmâ yâhânomai.” Yawu sâop. Yawu sâmu Anitâhât Wâtgât mâmâñahât Heakne yuwu sâm ekuop. “Bulânânâk yat. Yâhâmâ Anitâ hoñ bawanñim hâhiwin kakñan manmâ yâhânomai. Yawu gârâmâ hâmbâi Anitâne nângâmu munomai yanâmâ bulâne yinñiwuap.” Yawu sâop.

Himbimâmbâ gem lohimbi mem hâwuruyehowot.

¹⁴ Kulem ya pesuk sâmu âlâ yuwu tetemu ekban. Anitâne Yesu hângângumu âwurem gewuap yakât yuwu tetemu ekban. Yesune kaperam âlâ goliñe tuhu tuhuñe ya karakmâ, iri goleakmâ, âom kela bâññanâk tatmu elem kulewoñboñ kakñambâ giop.

¹⁵ Otmu anjelo âlâneâmâ Anitâ yâkâlebâ gemu ekban. Otmu yañeâmâ anjelo âlâ elem kulewoñboñ yakât kakñan talop ya yuwu sâm ekuop. “Bâin, bonne memehât sâp yu tâlâhuap. Yakât otmâ âom

kela yaŋe nak kehetŋe mem hâwurum mânunđâ pik sâek.” Yawu sâm ekuop.

¹⁶ Ekumu âom kela yaŋe mem mânunŋmu pik sâop.

¹⁷ Yawu sâmu yanâk aŋelo âlâ Anitâhât opon kâmbukŋambâ pilâm giop. Yâkŋe tewetŋe sâtŋe welâk welâk ya mem giop.

¹⁸ Mem gemu yakât kakŋanâmâ aŋelo âlâ alataen kâlâp um katminiop ya pilâm giop. Yaŋeâmâ den kârikŋe sâm aŋelo tewet mem manop ya yuwu sâm ekuop. “Hânân wain kehetŋe emelâk purup pato kinsap. Yawu gârâmâ gâŋe tewet miakmâ ge hârem bonŋe me. Ya mem mendârerâ toŋe giâk.” Yawu sâop.

¹⁹⁻²⁰ Yawu sâmu tewet miakmâ ge bonŋe ya hârem mem mendâremu toŋe yaŋe gem hep olop. Hep otmâ wanŋa âlâ kapi yakât betŋan kinop yan ge kinop. Yan ge kinmâ lak sâm moseleakmâ hânân ge pik sâm dengân pato olop. Yâhâ dengân yakât kâlepŋeâmâ 300 kilomita yawuya olop. Otmu yakât tumuŋeâmâ lok kinmu nekamŋan otbuapgât dop olop. Yakât dopŋeâk lohimbiŋe kunyeŋe kârikŋe otmu orotmeme bâleŋe otmâ manmâ gai yakât matŋe meŋetgât Anitâŋe pilâyekmu genomai.

15

Aŋelolipŋe nombolân yâhâp yaŋeâmâ bumbum âlâlâ ikŋiâk ikŋiâk mewî.

¹ Otmu yakât kakŋan kulem âlâ yuwu tetemu ekban. Anitâhât opon kâmbukŋe himbimân tap yakât kâlehen aŋelo nombolân yâhâp yaŋe kinŋetâ yekmune sâtŋe olop. Yawu otmâ aŋelo yaŋeâmâ

bumbum nombolân yâhâp ikñiâk ikñiâk mewi. Yâhâ bumbum yamâ Anitâñe matñe bâiñe yinçimu meñetâ bialâkgât.

² Ya mem kinñetâ yan saruwân yawuya pato ekban yamâ omoñânâk hewam sikopñe kumu siliñ siliñ sâmu topñe kuririñ sâmap yawuya olop. Yâhâ saru ginñan Anitâhât lohimbi yañe iliwetmâ songo sâtñe metñe ya, otmu yakât umutñe nahân hâwiñetâ yahatmâ golâ olop ya, otmu songo sâtñe kârikñe lokgât dop 666 ya miop, ya yengât den kum mem ge katyekbi yañe saru ginñan kinmâ buñam tâliwi.

³⁻⁴ Yâhâ Moseñe Anitâhât tem lâum manop yâkât heronje nânğâm buñam mem tâliwi. Yâhâ âlâmâ Lama Nanñahât nânğâñetâ yahatmu buñam yuwu sâm tâliwi.

“O Anitâ, kutdânennje. Gâ wâtge pato dondâ tatgihiap. Âi memat yamâ mendâ âlepñe nandoronje otmap. Orotmemehe ekmunñe ae señ señ, yae yongâe otmap. Gâñe lohimbi topñe topñe yengât kunyeñe otmâ tatmâ gaonñak tatmâ gat. Otmu tatmâ yâhâmbisân. Yakât otmâ himbimân taiñe, me nen hânân taiñe gâ konok mepaehekmain. Otmu kut patñe sâm hañ tuhumunñe ârândân merândân otmâ imap. Gâ konok uwawapñe bia, âilonço lonço tatmat. Yakât otmâ mepaehekmâ yâhânom. Lohimbi hânñan kulemñan manmâ arain nengât tihitnenñe otmat yakât ga mepaehekmâ mannom.” Yawu sâwi.

⁵ Otmu yakât kakñan âlâ yuwu tetemu ekban. Opon kâmbukñe himbimân tap yakât gahatñe ya hindakmâ añ sâm kinop.

⁶ An̄ sâm kinmuâmâ Anitâhât welâm̄ne ya hawam̄gum sângum kâlep hikun̄etâ ge hârândân̄âk kinop ya tetemu ekban. Yâhâ yan songo papato imbât mumuhât dop bia hâlân̄akmâ tat̄netâ yekban. Yâhâ gotyen̄an ānelo nombolân yâhâp kinbin̄e sângumyenē kaok bolan̄ bolan̄ mânun̄akbi. Otmu dihinyen̄an kâiput golin̄e tuhum âmbâkun̄etâ giop.

⁷ Otmu lohimbi orotmemeyenē kin̄gon̄ otmâ manminiwin̄e mat̄ne mem hâhiwin̄ kak̄nan man̄netgât songo pato âlân̄e ānelo nombolân yâhâp ya kondo konok konok mem yin̄gimu mewi. Otmu kondo ya kâlehen bumbum top̄ne top̄ne âlâku ik̄n̄iâk ik̄n̄iâk yan̄e pik sâm iop. Yakât Anitâ manman ambon̄an̄e mat̄ne sâm yin̄giwuap̄gât kondo ya mem kinbi.

⁸ Yawu otmâ kin̄netâ yan Anitâ lan̄in̄ne ambon̄e ik̄ne wât̄ne pato tatban̄gimap̄ne kuk bâlenē olop. Yawu otmu opon kâmbuk̄jahât kâlehen utun bâlenē sahap. Utun sahakmâ man̄gumu opon kâmbuk̄jahât kâlehen yâhân̄omaihât dop ki olop. Yawu otmu ānelo nombolân yâhâp yan̄e kumâmâ bumbum bâlenē moselen̄etâ ge lohimbi bâlenē yengâlen teteop. Otmu yakât kak̄nanâmâ kâlehen yâhân̄omaihât dop ya teteop.

16

Bumbum moselen̄etâ ge lok bâlenē yengâlen umat̄ne top̄ne top̄ne teteop.

¹ Anitân̄e ānelolip̄ne nombolân yâhâp ya yuwu sâm ekyongop. “Yen gemâmâ mat̄ne yin̄giwom

yakât bumbum teteyiŋgiâkgât moseleŋetâ giâk.”
Yawu sâŋ hânġânyongomu gewi.

² Anġoân hânân moselemu giop yakât topŋeâmâ yuwu. Lohimbi nombotŋaŋe soŋgo kârikŋe yakât kulem towatŋe meteyeŋan tuhuangim nahân umutŋe hâwiŋetâ yahatmâ golâ olop ya mepaewi. Komot yaŋeâmâ bitâp me use kârikŋe ya teteyiŋgiâkgât bumbum ya hânân moselemu giop.

³ Yâhâ aŋelo yâhâpŋaŋeâmâ kondone mem saruân moselemu giop. Moselemu gemu saru yamâ lok hiliwahoneŋetâ hepyeŋaŋe gam gara gara otmâ korokŋe pilâmap dop yawu olop. Yâhâ saruŋe hep gara gara olop yakât kâlehen senŋe âlâlâ tatbi yamâ kerek mum metewi.

⁴ Yâhâ aŋelo kalimbuŋaŋe kondone mem to senŋan moselemu giop. To senŋan moselemu giop yamâ aksihâk hep otmâ meteop.

⁵⁻⁶ Moselem yan Anitâ yuwu sâŋ ekuop. “O Kutdâne, gâ embânġâmbâek tatmâ gamat. Otmu tatmâ yâhâmbisân. Yâhâ lohimbi bâleŋe kunyeŋe kârikŋe otmâ gâhât hâkâŋ otmâ orotmeme bâleŋe otmâ manminiwi ya kerekŋe matŋe mem mum metenjetgât hânġânnohorâ ge moselemune giap. Moselemune gemu yan gâŋe den sâon yakât bulâŋe teteap ya nânġâmune ârândân oap. Yâhâ poropetelipge nombotŋe yongom mem âlâlâ tuhuyekŋetâ muwi. Muŋetâ yan hepyeŋe hânân giop yakât matŋe gâŋe hep bâleŋe yu yinġirâ neŋetâ dopŋan oap. Ya nânġâmune ârândân oap.”
Yawu sâop.

⁷ Yâhâ alata amutgen kinbiŋe Anitâ yuwu sâŋ

ekunjetâ nângâwan. “Bulânjanâk Anitâ Kutdânenne gâ wâtge kârikne tatgihimap. Yakât otmâ den âiân katyekmâ matne yingirâ miai ya ekmunne dopjanâk oap.” Yawu sâwi.

⁸ Yâhâ anjelo imbâtneje kondone mem sikowân yan moseleop. Moselemu Anitâne sâmu sikop yamâ pilâm irik irik sâ m kâlâpne sem lan lan sâmap yawu otmâ sem meteyehop.

⁹ Otmu kâlâp pato yan punden sâ m lohimbi ya dondâhâlâk seyehop. Sem bâleyekmu nângâm nângâm iliwetmâ Anitâ bumbum ambone yakât awat pilâwanngiwi. Yawu otmâ yâkâlen biwiyeaneje ki kepeiwi.

¹⁰ Yâhâ anjelo momeneje yan eâmâ bumbum âlâ moselemu songo sâ tne metne yâkât kawenjan giop. Gemu omon pato kum kepeim imu benne lohimbi yâkâlen torokatbine hâhiwin pato nângâm nimbil-amyeneje pânan ihim hâreakbi.

¹¹ Yawu otmâ kunyene kârikne otmâ Anitâ himbim ambonahât awat pilâwanngim orotmemeyene bâlene ya witgum otmâ manbi.

¹² Yâhâ anjelo nombolân konokneje kondone mem to âlâ, kutne Euparata sâ m, yan moselemu giop. Moselemu gemu to yan aksihâk san kititij sâop. San kititij sâmu yan lok kunne nombotne emetsenne gahanembâ takanomai ya yengât mâtâp meyingiop.

¹³ To ya san sâmu yan puaia yakât launambâ weke bâlene yamâ kesun pâlâmne yawuya gemu ekban. Âlâmâ nakne mem umutne hâwinjetâ yahatmâ golâ olop yakât launambâ kionmu ekban.

Âlâmâ poropete âlâ den perâkņe sâm kâityongop yakât launjambâ gemu ekban.

14 Otmu weke bâleņe dondâ yaņeâmâ kulem topņe topņe ya mewi, yaņeâmâ lok kutdâ bâleņe yâk yeņgâlen arim kapamgât kuk teteâkgât mâmâņe otyiņgiņetâ Anitâ kum mem ge katne sâm yakât menduhuakbi. Yawu tetemu ekban.

15 Yâhâ den âlâ Yesuņe yuwu sâop ya sâwe. “Nâņe hâmbâi pârâk sân sânâk takawom. Otmu nâhât pat mansai yenâmâ heweweņ otmâ âlâlâyeņe ya mem dunņan tuhuakmâ mambotnihim mannomai. Aman pâlâmņe ki inomai. Yenâmâ biwi nâņgân nâņgânyeņe galemahom nâhât mambotmâ mitiwahom mannomai. Yawu otmâ manņetâ nâ takawom yan ki aņulaknomai. Yawu otmâ heroņe otmâ manmâ yâhânomai.” Yawu sâop.

16 Otmu kapam tetewuap yakât den âlâ torokatmâ sâwe. Weke bâleņe yaņeâmâ lok kutdâ dondâ mâmâņe otyiņgiņetâ kapi âlâ, kutņe Amaheron sâm, yan menduhuakbi.

17 Yâhâ aņelo nombolân yâhâpņeâmâ kondoņe ya haņân moselemu gemu yanâk Anitâņe yuwu sâmu nâņgâwan. “Bâiņ, pesuk yap.”

18 Yawu sâmu yanâk belek sâmu himbim guņguruņ sâop. Himbim guņguruņ sâmu yanâk mososoņ pato miop. Mososoņ nombotņe memap yakât dop bia, wangim dondâ miop.

19 Otmu kapi pato, kutņe Bawilon sâm, yan orotmeme bâleņe dondâ otmâ manminiwi. Yakât Anitâņe nâņgâmu bâlemu matņe meņetgât sâmu mososoņ pato memu Bawilon kapi ya hioņakmâ

komot kalimbu otbi. Otmu ya hâlân̄mâ kapi tatbiâ yamâ biatmu kâwurumyeŋaŋak kinop.

²⁰ Otmu saru tânâm̄ŋan mâtuŋa pato tipŋe tatbi yamâ aksihâk guhulakmâ meteop. Otmu pum̄ŋe gimbâŋe ya hâlân̄mâ talop ya gurâ bâok sâm gulip otmâ meteop.

²¹ Yawu otmu kât kârikŋe kândâk kândâk giop. Yaŋe gemâmâ lohimbi nombotŋe kât yaŋe kum tâtuk meyehop. Yâhâ nombotŋe âlâmâ kunyeŋe kârikŋe otmâ Anitâhât awat pilâm sâm bâlewaŋgiwi.

17

Imbi kondarâ yâkât topŋe

¹ Anelo nombolân yâhâp yaŋe kondoyeŋe mem manbi ya yeŋgâlen gâtŋe âlâŋe yuwu sâm eknohop. “Garâ arire. Yu tetemu eksat yukât pâŋe konok topŋambâek nân̄gâhât tiripgohomune ek. Imbi yuâmâ imbi kondarâ. Yâkŋe ihilâk mahilâk manmâ to hâlân̄mâ kinsap. Yâhâ yiwereŋe tosaŋahât matŋe Anitâŋe waŋmu hâhiwin pato nân̄gâm yâhâwuapgât dop oap.

² Yawu gârâmâ imbi kondarâ yukât topŋeâmâ yuwu sâmunne nân̄gâ. Lok papato sesen̄gâlâkŋe imbi kondarâ yukâlen torokatmâ yâk orop senŋe âlâlâ aŋgi guŋgi otbi. Otmu orotmemeŋe bâleŋe otminiop ya yawuâk otmâ manbi. Yawu otbi yakât otmâ yaŋe biwiyen̄e mem hâlim tuhuyekmâ gaop. Topŋe yakât otmâ garâ tiripgohomune ek.” Yawu sâop.

³ Yawu sâm dâinekmâ pum̄ŋe âlâ lok ki manmaiângen yâhâwit. Yan yâhâmutŋe Anitâhât Wâtgât mâmâŋahât Heakŋe biwine mem purik pilâmu

kulem âlâ yuwu tetemu ekban. Imbi kondarâ yaņe soņgo sâtņe metņe yakât kakņan yâhâmu yaņe sokom talop. Soņgo yamâ kuriņ. Otmu yakât ņilipņe yamâ bât nombot nombot hârok. Yâhâ kunņeâmâ nombolân yâhâp. Yaņe Anitâhât kaweņan kinbe sâm ikņe kutņe konok konok kulemguakmâ talop.

⁴ Otmu imbi yaņeâmâ sâņgum kuriņ hârândâņâk mânunahop. Mânunakmâ karaņ karaņ hahitņeņe tuhuņetâ âilonņo nandoroņe olop ya pilahop. Otmu kâiput goliņak tuhu tuhuņe ya âmbâkuahop. Otmu bâhârâ yamâ goliņak tuhum miop. Bâhârâ memu yanâmâ orotmemeņe kiņgoņ topņe topņe ya ikņe manmanņahât bonņe yaņe yan pik ņâtâk ņâtâk sâm iop.

⁵ Yâhâ meteņanâmâ ikņe kutņe ya kulemgumu talop. Kut yamâ yuwu. “Bawilon kapi ambolipņeņe orotmeme kiņgoņ otmâ gawi. Yâhâ imbilipyeņe yamâ imbi kondarâ. Yâk yeņgât mâmâyeņe yamâ nâ.” Ikņe kutņe meteņan yawu kulemgumu talop. Yâhâ kut ya lok âlâņe ekmâ nâņgâwuapgât dop bia.

⁶ Imbi yaņeâmâ emelâk lohimbi nombotņe biwiyeņe Anitâhâlen katmâ Yesuhât nâņgâņetâ yahalop yamâ kerek sâmu yongoņetâ muwi. Yongoņetâ muņetâ yan imbi yaņeâmâ yekmu âlepņe otmu biwi hâlim pato olop. Yawu otmu ekmune sâtņe otmu pârâk pilâwan.

⁷ Otmu aņeloņe yuwu sâm eknohop. “Girawuhât nâņgârâ ki orotņe oap? Imbi yuâmâ soņgo sâtņe metņe yaņe sokomap. Yâk yetgât topyeteņe yuwu sâmunne nâņgâ.

8 Sonjo sâtje eksat yukât topneâmâ yuwu. Yâhâmâ emelâk hem nâpumân kionmâ gulip olop. Yapâ gâtņaje hâmbâi yâhâņje yahatmâ gawuap. Gamâmâ lohimbi nombotņaje Anitâhâlen ki torokatmâek yaehen manmâ gai. Ya yengât kutyene yamâ emelâk Anitâņe hân himbim ki kândikyotgowân manman kârikņahât pepaen Yesuņe ki kulemgum kalop. Lohimbi yaņe sonjo sâtje ya ekmâ yuwu sânomai. “Bâe, yuâmâ emelâk manmâ gam gulip olop. Yaņe yâhâņje yiwerene teteap.” Yawu sâm nâņgâņetâ âilonņo lonņo otbuap.

9 Otmu aņeloņe torokatmâ yuwu sâm eknohop. “Den yan yukât bulâņe tetewuap yakât topņe ekmâ nâņgânomai. Kunņe nombolân yâhâp yamâ pumņe nombolân yâhâp yakât dop. Yâhâ imbi yakât dowâmâ kapi pumņe nombolân yâhâp yakât tânâmņan talop ya. Yâhâ pumņe nombolân yâhâp yakât dop yamâ lok kutdâ nombolân yâhâp.

10 Yâhâ lok kutdâ yamâ momerâ yaņe muwi. Yawu gârâmâ âlâmâ nombolân konokņe sâp yiwerene yu galemnye otmâ mansap. Yâhâ bâiņe yamâ hâmbâi tetewuap. Yâhâ tetewuap yanâmâ sâp tâlâwâk galemnye otbe mâne Anitâņe sâmu mumbuap.

11 Yawu gârâmâ sonjo sâtje yamâ angoânâk manmâ gaop. Yâhâ yiwereneâmâ ki mansap. Gâmâlâhâmâ yahatmâ lok kutdâ nombolân yâhâp yâk yengâlen torokatmâ nombolân kalimbuyene otmâ manbuap. Manmâ yâhâm kâlâwân arimu pesuk sâwuap. Topņe yawu.”

12 “Otmu ņilipņe bāt nombot nombot hârok yeksat yamâ lok kutdâ bāt nombot nombot yâk

yeŋgât dop oap. Yâkŋe yiwerenŋe ki mansai, hâmbâi tetenomai. Tetem manŋetâ sonŋo sâtŋe yaŋe mâmâŋe otyiŋgimu orowâk torokatmâ tatmâ yâhânomai. Yâkŋe galemyenŋe otmu sâp tâlâwâk mannomai yakât kakŋan mum biatnomai.

¹³ Yâhâ mannomaiân nâŋgân nâŋgânyenŋe hikuakmâ sonŋo sâtŋe yamâ yâkât wâtŋan kinmâ yâhânomai.

¹⁴ Yâkât wâtŋan kinmâ yan Lama Nanŋe mum yahalop ya kune sâm yâk orop kasa oranŋim mannomai. Yamâ Lama Nanŋaŋe mumuŋambâ yahatmu âwâŋaŋe sâmu wâtŋe pato nandoronŋe tete-waŋgiop. Yawu otmâ lok topŋe topŋe manmâ gai ya yeŋgât kunyenŋe otmu lok kutdâ ya yeŋgât kunyenŋe pato mansap. Yakât otmâmâ kasalipŋe yongom mem ge katyekbuap. Yâhâ lohimbi yaŋe biwiyenŋe yâkâlen katmâ manŋetâ yakât Anitâŋe ikŋe pat kuyiŋgiop yâhâmâ yâkŋe lok kutdâyenŋe pato oapgât yâkâlen torokatmâ kasalipyenŋe yongom pesuk pilâyeknomai. Yawu.”

¹⁵ Otmu aŋelonŋe torokatmâ yuwu sâm eknohop. “Yoane gâ emelâk eksat. Imbi kondarâ yamâ to hâlâŋmâ kinsap. Yâhâ to yakât dopŋeâmâ yuwu. Lohimbi komotŋe komotŋe hânŋan kulemŋan manmâ den topŋe topŋe sâmai ya yeŋgât dop oap.

¹⁶ Otmu ŋilipŋe bât nombot nombot hârok eksat yamâ lok kutdâ yâk yeŋgât dop oap. Yâkŋe sonŋo sâtŋe metŋe yâkâlen torokatmâ imbi kondarâ ya kasa otbaŋginomai. Kasa otbaŋgim imbi yakât lembân tâkŋe ya mem holaŋbaŋginomai. Mem holaŋbaŋgiŋetâ hâk barak kinbuap. Yawu kinmâ itit kiom tuhuŋetâmâ kâwurumŋaŋak kinbuap.

17 Otmu yamâ inâk ki tetewuap. Anitâņe biwi nâņgân nâņgânyeņan ya katmâ mem heweweņ tuhuyekmu soņgo sâtņe ya orowâk menduhuakmâ imbi kondarâ ya mem ge katnomai. Anitâņe sâop yakât bonņeâmâ yawu tetewuap.

18 Otmu imbi kondarâ yamâ kapi pato tap yakât dop. Kapi pato yakât patoyeņeâmâ lok kunņe hânņan kulemņan tatmâ arai yâk yeņgât kunyeņe otmâ tatmap.

18

Anitâņe sâmu Bawilon kapi kâwurumņanak kinop.

1 Kulem ya pesuk sâmu yakât kakņan kulem âlâ yuwu tetemu ekban. Aņelo âlâ himbimâmbâ gemu ekban yakât wâtņe pato tatbaņgiop. Otmu gem yan yâkât laņinņe pato yaņe hânân pilâmu laņ laņ sâop.

2 Yâkņe kârikņe halahum yuwu sâop. “Kapi kutņe Bawilon yamâ emelâk kâwurumņanak kinsap. Yi-wereņeâmâ weke bâleņe dondâ mansai. Otmu nâi bâleņe ki neneņe, sopņan hepdâek, sâmai dop yawuya, ya pik sâam iap.

3 Emelâk lohimbî kiņgitņe orowâkņe yâk yeņgâlen torokatmâ orotmeme kiņgoņ otmâ gam biwi hâlim otbi. Yawu otmâ manbi. Yâhâ lok kutdâņe gurâ yawuâk orowâk orotmeme bâleņe ya otbi. Lohimbî nombotņe yâku aņgi guņgi otne sâamâmâ yawuâk yan torokatmâ hângât senņe âlâlâ otmu bâleņe topņe topņe otmâ manmâ gamai yawuya Anitâņe kerehâk yongom tâtuk meyehop.”

4 Yawu sâmu Yesuņe yuwu sâop. “Yen nine komot Bawilon kapiân mansai ya yuwu sâamune

nângânet. Bawilon kapi ambolipñaŋe orotmeme bâleŋe me kiŋgoŋ ya otmâ manmâ gamai yakât matŋe yinŋimune hiliwahonomosai. Yawu gârâmâ yen orowâk yongomaingât orotmeme bâleŋe ya pilâm pilâyekmâmâ nâhâlen ga torokatmâ manŋet.” Yawu sâŋ ekyongop.

⁵⁻⁶ Yawu sâŋ aŋelolipŋe yuwu sâŋ ekyongop. “Kapi yukât ambolipñaŋe orotmeme bâleŋe otbi yakât topŋe Anitâŋe kerek naŋgap. Yakât otmâmâ matŋe yu yinŋiap. Kapi yu ambolipŋe yengât orotmeme yamâ imbi kondarâ yengât orotmeme yawuya. Ya nâŋgâmune dondâ bâleap. Otmu kasalipyene mem bâleyekbi. Yakât matŋe yâku yakât dopŋanâk mem purik pilâm yinŋinomai. Emelâk kapi ambolipñaŋe menduhuakmâ orotmeme bâleŋe ya otbi. Yakârâmâ yâku kârikŋe otmâ matŋe kâpekyinŋinomai.

⁷ Yâhâ emelâk kapi ambolipñaŋe hop sambe kakŋan manmâ yeŋahâlâk nâŋgânetâ yahatmu hâmeyeŋe bitminiwi. Yakât yengu matŋe tâŋ tâŋâk purik pilâm yinŋinomai. Yawu otnomai yakât kakŋanâmâ yâkŋe dondâ isem buiakmâ mannomai. Yâhâ yiwereneâmâ ambolipñaŋe biwiyeneŋe yuwu naŋgai. “Bâe, nenâmâ yiwereneŋe hop sambe kakŋan mansain. Yawu manmâ lohimbi dondâ tânyongom mansain. Yâhâ imbi nombotŋaŋe kambut manmâ tep bâle nâŋgâm isem mansai. Yâhâ nenâmâ umatŋe âlâ hâtnongowuapgât dop âlâ ki tap. Yakât otmâ hâk sânduhânâk manmâ yâhânom. Tep bâle nâŋgâm ki isem buiaknom.” Yawu naŋgai.

⁸ Yakât otmâ sâŋmune pârâk sâŋ sâŋâk umatŋe bâleŋe topŋe topŋe yâk yengâlen tetewuap. Po

pato tetewuap. Me bumbum, me aman kundat, me aman mesek topne topne ya teteyingimu hâhiwin pato nângâm isem buiaknomai. Isem buiakmâ manjetâ yan kasalipyenane taka itit kiom tuhuyekmâ kapiyene ujetâ sewuap. Yakât umatne ya yingiwomgât dop tap.” Yawu sâop. Sâop yawuâk tetemu ekban.

⁹ Kasalipyenane taka kapiyene ujetâ siowân yanâmâ lok kutdane angoânâk manmâ gawiân orotmeme bâlene Bawilon kapi ambolipne ya orop otmâ gawi yanjeâmâ kâlepnan kinmâ kapi patoen ekjetâ kâlâp sem utun duk duk sâm yahalop. Utun ya ekmâ yan isem tep bâle otmâ biwiyene ahoakbi.

¹⁰ Yawu otmu ekmâ kingityenahât otmâ kâlepnan kinmâ ekmâ yuwu sâwi. “Bâe, bâe, Bawilon kapi patoen yan hop sambe pato kinop. Yâhâ yiwereneâmâ pârak sân sânâk kasalipyenane taka matne yingiai.

¹¹ Yâhâ angoânâmâ yâk orop senne âlâlâ angi gunji otmâ gem yâhâm manbi. Yâhâ yiwereneâmâ emelâk manbi ya pilâm hou latmâ mansai.” Yawu sâm tep bâle otmâ isewi.

¹² Yâhâ torokatmâ yuwu sâwi. “Angoânâmâ Bawilon kapi pato yakât biwinan hop sambe pato iminiop. Ehekne ki ehkne, nângân nângânne ki nângân nângânne, senne âlâlâ topne topne tuhuwi.

¹³ Yawu tuhum mem manjetâ wuân me wuân âlâhât pâin guin âlâ bia, senne âlâlâ topne topne ya kerehâk tatyngiop. Otmu kapi kârikne bâlene. Kasalipyene mem ge katyekjetâ yâk yengât amutgen manmâ hon bayngim gawi. Yâhâ sâp yiwerene yuâmâ kerek biatyngiap.

14 Bâe, senje âlâlâ topje topje mem hop sambe kakjan manminiwi. Yâhâ nep topje topje torokatmâ tuhuwi yiwerenje ya emelâk biatmâ kititinj yap. Otmu senje âlâlâ yu me ya ekjâlem anji gunji otmâ manbi. Ya gurâ kerek kititinj yap. Otmu yukât kakjan yâhâpje âlâ torokatmâ tetewuapgât dop âlâ ki tap,” yawu sâwi.

15 Otmu lok nombotje kapi kâlepnehembâ taka yan âi topje topje tuhum hâmeje papato meminiwi yaņeâmâ “Kâlâp yuje punduņ sâm senenekmap,” sâm yakât kâlepnehen kinmâ ekbi.

16 Yawu ekmâ kinmâ yuwu sâwi. “Bâe, bâe, kapi yuâmâ aksihâk kiom balu balu oap. Emelâhâmâ Bawilon ambolipje, me buku nombotje kâlepnehembâ takawi yanâmâ hâk katipje kulem topje topje yawuya mânunjakmâ manminiwi. Otmu kâiput topje topje ya goliņak tuhum âmbâkuakbi ya ekjâlem yawuya mem bam gam otbi.

17 Yawu otminiwi yakât matjeâmâ yiwerenje yu meņetâ eksain.” Yawu sâwi.

Otmu wanja ambolipje, me nep loklipyenaje wanjaen kinmâ ekbi. Otmu nep lok nombotjaņe hikinângen kinmâ ekbi.

18 Lok ya kerehâkje kâlepņan kinmâ senyenajak pilâm ekmâ yuwu sâwi. “Bâe, kapi yan ya yu mon? Senje âlâlâ ya kerehâk gulip otmâ meteap. Hâpuwân pekatje sem yawu tuhuap. Bâleņe dondâ oap.” Yawu sâwi.

19 Yawu sâņetâ biwiyenje orotok sâop. Otmu yakât tep bâle nâņgâm yan kou kendâm ahowi. Isem tep bâle nâņgâm yan torokatmâ yuwu sâwi.

“Bâe, kapi pato enda eksain. Endaŋe âlâlâ ya kerehâk biatmâ kititiŋ yap. Yamâ nen waŋga ambolipŋe âlâengembâ tohom kapi yanâk anŋi guŋgi otmâ yapâ tewetsenŋe pato dâim hop sambe kakŋan manne sâm gain. Ya yiwerenŋe kâlâpŋe mem hote alikŋe tuhuap. Yakât girawu otnom? Me wosapâ ari tewetsenŋe yawuya menom? Ya pesuk yap yukâ.” Yawu sâm isem buiakmâ kinbi.

20 Yawu teteyiŋgiop yakât aŋelo yaŋe yuwu sâop. “Yen emelâk poropete nombotŋe manbi, otmu aposolo manbi, otmu Anitâhât komot otmâ yâkâlen torokatmâ manbi, yenâmâ kapi yu ambolipŋaŋe kasa otyiŋgim mem gem katyekbi. Mem ge katyekŋetâ yakât matŋe yu Anitâŋe yiŋgiap yakât yen heronŋe kakŋan manmâ yâhânomai.” Yawu sâop.

21 Yawu sâmu aŋelo wâtŋe kârikŋe tatbaŋgiopŋe kât pato âlâ mem yahatmâ saru tumuŋan pilâmu giop. Gemu yanâk yuwu sâop. “Nâŋe pilâmune giap. Yakât dopŋeâk Anitâŋe kapi pato Bawilon yukât ambolipŋe ya yawuâk pilâyekmâ gem tepyeŋe kum huhumu gulip oai. Gulip otŋetâ kâwurumyeŋaŋak kinsap.

22-24 Emelâhâmâ Bawilon yan imbi anŋi guŋgi otmâ manbi. Otmu kepgât senŋe âlâlâ topŋe topŋe mem ekŋâlem kinmâ oŋ giriŋ kakŋan manbi. Hop sambe kakŋan manbi. Âli hawat topŋe topŋe ya meŋetâ lohimbi dondâŋe ya ekmâ yu bonŋe mon sâm yan nâŋgâm tâpikgum manmâ gawî. Yakât otmâ lohimbi hânŋan kulemŋan tatmâ ariwiŋe yâk yeŋgâlen torokatmâ biwiyeŋe hikuakmâ manbi. Yawu manmâ gam hop sambe

pato teteyingimu âlâlâhât ki pâinmâ manbi. Otmu herone otmâ bunam me kep topne topne tuhum engat nombotne watmâ yakât yehâhât sâam mepaeakmâ manbi. Otmu yehâhât nângânetâ yahatmu hâkyene mepaeakmâ manbi. Yakât otmâmâ Anitâ poropetelipne nombotne yâkât den sâam tetem ekyongowi. Den sâam ekyongonetâ nângânetâ gemu yongonetâ kerehâk mum metewi. Emelâk Anitâhât komot ya mem ge katyekmâ mem âlâlâ tuhuyekbi yakât matjeâmâ yâku yu teteyingiap. Sâp yiwerene yuâmâ manman ya emelâk biatmâ kititiņ yap. Emelâk hân yuân torokatmâ âi topne topne mem yehâhât nângânetâ yahatmu manmâ gawi. Sâp yiwerene yu gurâ biatmâ kititiņ yap. Kapi yu yâhâpne mem miwirikuņetâ tetewuapgât dop âlâ ki tap. Yawu.” Yawu sâop. Anelone kât pilâmu saru tumuņe kâlehen giop yane yakât topne sâam teteap.

19

Anitâne matje yingiop yakât otmâ ikne lohimbine mepaewi.

¹ Ya ekmune pesuk sâamu yakât kakņan den âlâ yuwu nângâwan. “Lohimbi kiņitne orowâkne menduhuakmâ tatmâ Anitâ otmu Kutdânenne Yesu yâk yetgât gotyetņan kinmâ Anitâ herone otbaņgim yuwu sâam mepaewi.

² “O, Anitâ, Wâtgât Amboņe, Gâņe yu ya otbe sâam ya otdâ âlepne nandorone otmap. Tihitnenne otdâ gâhât amutgen manman sânduhân manmâ yâhânom. Yâhâ imbi kondarâ yâkne orotmeme bâleņe otminiop. Otmu buku nombotne yawuâk

otjet sâm kendâyîngim gaop. Yakât matje gâje yu wañdâ memu pesuk yap. Yawuhât mepaeheksain. Otmu gâhât komot nombotje gâhâlen biwiyenaje kepeim manbi yamâ imbi kondarâ yaje kasa otyîngim yongomu muwi. Yakât gâje matje yu wañmu memu pesuk yap. Yakât otmâ gâ mepaeheksain.

³ Gâje kapi pato yu ambolipje matje yîngimu kâwurumñajak kinsap. Yukât kakñan yâhâpje miwirikum torokatmâ mannomaihât dop âlâ ki tap. Yakât otmâ heronje otgihaiain.” Yawu sâwi.

⁴ Otmu lok kunje 24 otmu songo papato muhât dop bia yaje Anitâ mepaem yuwu sâwi. “Âlepje dondâ nenje Anitâ konok mem mepaene. Ya bulâñanâk.” Yawu sâwi.

⁵ Otmu yâk yengâlen gâtje âlâje yuwu sâmu nângâwan. “Yenâmâ Anitâ hoñ bawangim lauje lâum yâkâlen biwi nângân nângânyenaje kepeim mansai. Yen lok topje topje, lok geheje me kutyeje orop, yen kerehâk menduhuakmâ Anitâ konok sâm mepaem manjet.” Yawu sâwi.

⁶ Yawu sâñetâ yanâk den âlâ yuwu tetemu nângâwan. Himbimân gâtje dondâje menduhuakmâ tatmâ Anitâ mepaenjetâ munyeje nângâwan. Munyejeâmâ himbim gunğuruñ sâmap yawu, me to tâlâm pato yerâmu munje pilâmap yawu. Yawu otmâ yuwu sâwi. “O, Anitâ, Kunnenje pato, Manman Amboje, gâje tihitnenje otmâ tatmâ yâhâmbisân. Yakât otmâ gâ mepaeheksain.

⁷⁻⁸ Otmu lohimbi miakmâ heronje otmâ mansai yakât dopñeâk gâje lohimbi nombotje Lama

Nanŋe yâkâlen biwiyenŋe kepeim manmâ gawi yakât pat kuyiŋgiop. Pat kuyiŋgiop ya Lama Nanŋe meyekmâ ikŋe manman kapiân mem ari katyekmu heron maron otmâ manmâ yâhânomai. Yakât sâp yu tâlâhuap. Yâhâ lohimbilipŋe sâŋgum kaok bolan bolan mânunŋakmâ mambotmâ kinsai. Sâŋgum kaok mânunŋakmâ kinsai yamâ manman uwawapŋe bia manmâ gawi yakât dop. Yakât otmâ mepaeheksain.” Yawu sâwi.

⁹ Yawu sâŋetâ aŋeloŋe yuwu sâm eknohop. “Den yuwu sâm ekgohomune kulemgu. “Lama Nanŋe yiwerenŋe lohimbilipŋe pat kuyiŋgiop yâk orop meyekmâ bât kuanŋim heron maron otmâ yâhânomai yakât sâp tâlâhuap. Lama Nanŋe yakât bulânŋe mem tetemu lohimbipŋe yâk orop biwiyenŋe kepeiakmâ konohâk otmu heronŋe kakŋan manne sâm oai yakât sâm ekyonŋorâ tep âlep nânŋâŋet.” Den ekgohoan yuâmâ Anitânŋe sâop.” Yawu sâm eknohop.

¹⁰ Den yawu sâm eknohomu nânŋe aŋelohât gotŋan bam mepaeuwe sâm otban. Yawu otmune yuwu sâm kunihiop. “Kâmbuk. Pilâ. Gâ otmu gâhât bukulipge yenâmâ Anitâhât hon bawa, Anitâhât launŋe lâum hon bawanŋimai. Otmu nâ gurâ yawuâk hon bawanŋiman. Yesu yamâ Anitâhât nanŋe bonŋe. Den ekgohoan yuâmâ Anitâhât Wâtgât mâmânahât Heakŋe mâmânŋe otnihim biwine mem hon hon tuhunekmu den yu ekgohoan. Yawu gârâmâ yen me nâ yamâ Anitâ otmu Yesu yâk yetgâlâk nânŋâm mepaeyelekmâ yâhânom.” Yawu sâm eknohop.

Soŋgo sâtŋe metŋe bukuŋâit pilâyeleŋetâ hemân

giowot.

¹¹ Himbim pâron̄ sâmu yakât biwiñan yuwu ekban. Beâsi kaok kaok âlâ ekban. Lok kakñan talop yakât topñeâmâ yuwu. Anitâñe âi sâm wañop ya biwiñane kepeim galemgum henñengumap. Yâhâ lok yeñgât orotmemeyene sâwuap ya bulâñanâk. Yâkñeâmâ lohimbi den âiân katyekmâ mem kâsipyongowuap. Mem kâsipyongomu ârândân merândân otbuap. Yâhâ yâkñeâmâ matñe menomai yakât topñe katbuap.

¹² Yâkât senñeâmâ kâlâp nimbilamñe yawuya. Yâhâmâ lok kutdâne ñerenden̄ goliñak tuhuwi yawuya yañe kunñan horatbaññetâ tatmu ekban. Yâhâ ikñe kutñe yamâ ikñahâk nanñanñimap. Lok âlâne ki nânñawaññimap.

¹³ Yâhâmâ sâñgum kaok kâllep mânunahop yañe ge hârândân sâm kinop yamâ hepñak pato. Yâkât kutñe âlâmâ yuwu sâmai. “Anitâhât Kâi Toka.” Yawu.

¹⁴⁻¹⁶ Otmu lohimbi bâleñane matñe meñetgât Anitâñe sâop yakât otmâ launambâ tewet sâtñe nombot nombot nelañ nelañ yañe ge kinop. Yañe mem lohimbi sambe galemymgom hâhiwin yinñimu umutyene arimu kinñityeñahât otmâ hu halak tuhuwi. Otmu sâñgum kaok yan otmu ârânñan yuwu kulemñetâ talop. “Lok topñe topñe manmâ gai ya yeñgât kunyene. Otmu lok kutdâ ya yeñgât kunyene pato mansap.” Yawu kulemñetâ talop. Otmu yâkñe sâmu himbimñat kapam lok dondâne yâkâlen men-duhuakbi. Menduhuakmâ yanâmâ hâk katipñe kaok bolañ bolañ ya mânunakmâ beâsi kaok kakñan tatmâ hawamgum Kutdâyene orowâk lok

bâleŋe yongone sâŋ tohowi.

¹⁷ Menduhuakmâ tohoŋetâmâ aŋelo âlâ tetemu ekban yaŋeâmâ sikop senŋan kinop. Sikop senŋan kinmâ kâe kâe nombotŋaŋe pâp pâp sâŋ haŋân gam ariwi ya yongonmâ yuwu sâŋ ekyongop. “Anitâŋe sâp pato kalop ya tetewe sâŋ oap. Yakât otmâ yen kerek taka menduhuakŋet.

¹⁸ Yâhâ lok bâleŋe komotŋe komotŋe beâsi kakŋan tatmâ taka ahone sâŋ oai. Ahom yan himbingât kapam lokŋe yongom tâtuk meyeknomai. Yongom tâtuk meyekŋetâmâ yeŋe taka nem meteyeknomai.” Yawu sâŋ ekyongop.

¹⁹ Yâhâ soŋgo sâtŋe metŋe otmu lok kutdâ manbi yâkŋe kapam ku ku loklipyeŋe ya hâruyekŋetâ kerehâk yongone sâŋ menduhuakbi. Yakât otmâ lok beâsi kakŋan talop, kutŋe “Anitâhât Kâi Toka,” yâkŋe ikŋe kapam lok hâruyekmâ orowâk menduhuakmâ yongone sâŋ otbi.

²⁰ Yâhâ soŋgo sâtŋe metŋe yaŋe ikŋe hoŋ bawa ya aŋgoân mâmâŋe otbaŋgimu yâkŋe kulem topŋe topŋe mem lohimbi kâityongop. Kâityongom ikŋahât kulem towatŋe bâtyeŋan otmu meteyeŋan towat kalop. Yakât otmâmâ lohimbi kiŋgitŋe orowâkŋe yâk yetgâlen torokatmâ soŋgo sâtŋahât umutŋe hâwim mepaeyelekbi. Yawuhât himbingât kapam lok yaŋe yâhâp yâhâp ya pilâyelekŋetâ hem topŋehen yaken gemutâ kâlâpŋe seyelehop.

²¹ Otmu lok beâsi kakŋan talop yâkât lauŋambâ tewet kâlep, sâtŋe nombot nombot nelan nelan yaŋe mem kasalipŋe hâreyekmu mum metewi. Mum metenŋetâ kâe kâeŋe taka nem meteyekbi.

20

Satan ya kum sâhâm pilâmu iop.

¹ Ya pesuk sâmu yanâk anjelo âlâ himbimâmbâ gemu ekban. Anjelo yaņe gem puaia, yakât kutņe âlâmâ Satan, ya sâhâwe sâm tâk kârikņe mem giop. Tâk kârikņe miakmâek hem nâpumângen kionņop.

²⁻³ Kionmâ ge Satan kum sâhâm pilâmu yambu 1000 yakât biwiņan im ariop. Im arimu yambu 1000 ya pesuk sâmu holaņmu gamâmâ sâp tâlâwâk biwiņan lohimbi kâityongop.

⁴⁻⁶ Kulem ya pesuk sâmu kulem âlâ yuwu tetemu ekban. Anitâhât gotņan lohimbi dondâņe menduhuakmâ kinņetâ yekban. Yâkņeâmâ lohimbi meyekmâ den âiân katyekmâ sâm hâreyiņginetgât Anitâņe âi ya sâm yinņiop. Komot ya yengât topņeâmâ yuwu. Yâkņe anņoân Anitâhât den ya tâņ tâņâk lâum manbi. Yawu manmâ Yesu ki betguwî. Me lok bâleņeņe sonņo sâtņe metņe otmu ikņe umutņe hâwim katbi ya yetgât ki nâņgâyitgim mepaeyelekbi. Me yâkât kulem towatņe ya meteyeņan me bâtyeņan ki katņetâ talop. Yawu otmâ betyitgim manņetâ yakât yâk yetgât hoņ bawalipyetņe kasa otyiņgim enņatyeņe hâreņetâ muwî. Otmu yâkņe anņoân mumuņambâ yahatmâ Yesu Kiristohâlen torokatmâ yâkât komot galemyongom tepyeņe heroņe otmu manņetâ yambu 1000 olop. Yâhâ anņoân yahatbi yaņeâmâ Anitâ yet Yesu Kiristo yâk hoņ bayitgim mepaeyelekâmâ Yesu orop tatmâ yambu 1000 ya torokatmâ manmâ yâkât komot galemyongom manbi. Otmu yakât kakņan himbimân manman kârikņahât pat otbi yakât

otmâ hiliwahom hem nâpumñan ki gewi. Yambu 1000 ya pesuk sâmu lohimbi nombotñe âlâñe mumuñambâ yahatbi.

Yambu 1000 pesuk sâmu Satanñe yâhâpñe tetem lohimbi kâityongop.

⁷ Yambu 1000 pesuk sâmu yakât kakñan anjelo âlâñe hem pato ya nâpum kurumbu yakât kâlehen kionmâ ge Satan mem holañop.

⁸ Mem holañmu yapâ yahatmâ gamâmâ lohimbi nombotñe hânñan kulemñan manmâ Yesuhât hâkâñ otbi ya kâityongomu lohotñe otñetâ yan dâiyekmâ manop. Yawu otmâmâ kâsipyongomu komot yâhâp otbi. Âlâ, kutñe Goho sâm, âlâmâ kutñe Mahoho sâm, yâk kerekñe Yesuhât hâkâñ otmâ manbi. Yâkñe menduhuakñetâ dopyeñe saru ginñan sak ekmain yakât dop. Ya sâlipyongonongât dop âlâ ki otbuap.

⁹ Yañe menduhuakmâ taka Anitâñe ikñe lohimbi wawaeyehop ya kerek hilipyongone sâm hawamyongowi. Hawamyongom kinñetâ Anitâñe sâmu yan himbimâmbâ kâlâp punduñ sâm ge sem gâwu gâwu tuhuyehop.

¹⁰ Kâlâpñe sem meteyekmu pesuk sâmu Anitâñe amboyeñe Satan ya mem hem nâpum kâlehen pilâmu giop. Otmu sonjo sâtñe metñe otmu hon bawañe mâmâñe otbañgimu den perâkñe sâm kâityongop ya yâhâp yâhâp emelâk pilâyelekmu giowot ya yetgâlen gem torokatmu kâlâpñe seyekmu hâhiwin pato nângâwi. Otmu hâhiwin ya pesuk sâyinñiwuapñat dop âlâ ki tap. Hâhiwin dondâñan manmâ yâhâmbisâi.

Anitâņe lohimbi kerekņe otbi mewi yakât den sâm hâreyiņgiop.

¹¹ Kulem ya pesuk sâm u âlâ yuwu tetemu ekban. Anitâņe kakņan tatat kaok bolan bolan yan ge tatmu ekban. Ge tatmu yan hân himbim dâiakmâ pilahowot.

¹²⁻¹³ Otmu lohimbi in muņetâ kurihiyekbi, me saruņe neyehop, me girawu girawu tuhuyekmu muwi, lok geheņe me lok kutyene orop, ya kerehâk mumuņambâ yahatmâ yâkât gotņan kinņetâ yekban. Kinņetâ Anitâņe pepa topņe topņe ya mem mewalakum lohimbi golâ manbiân yan otbi mewi yakât topņe kulemgumu tatmap yapâ ekmâ mem sâlikuop. Otmu Anitâ ikņak pepa ya mem sâlikumâmâ otbi mewi ya yengât topyene ekmâ âlâku ikņiâk ikņiâk den âiân katyekmâ matņe yiņgiop.

¹⁴ Otmu lohimbi nombotņe hem kâlâpgât pat otbiņe yan gem torokatmâ sâp kâlep manmâ yâhânomai. Yâkņe âlâ holaņakmâ hâk sânduhân mannomaihât dop âlâ ki tap

¹⁵ Yâhâ Anitâņe ikņe pat kuyiņgiop ya yengât kutyene kulemgumu tatmap yaņeâmâ yâhâpņe yakât kakņan hiliwahonomaihât dop âlâ ki tap. Yaņeâmâ manman kârikņe yakât kapiân ari tatmâ heroņe kakņan manmâ yâhâmbisâi.

21

Anitâņe sâm u hân himbim aņgo teteowot.

¹ Ya pesuk sâm u hân himbim hâņgiņe ya Anitâņe sâm u bialop. Otmu yâhâpņe sâm u hân himbim âiņe tetemu ekban.

² Otmu Anitâne kapi âine tuhuop, kutne “Yerusalem Anjo” sâm yanje himbimâmbâ gemu ekban. Kapi ya ekmune âlâ kândâkdâ olop. Otmu nenje imbi miakne sâm otmâ menjâleakmain yakât dopneâk kapi ambolipnane menjâleakbi.

³ Otmu anjelo âlâne yuwu sâmu nângâwan. “Kutdânenne Anitâne lohimbi orop haonmâ ârândân tatmâ tihityene otmâ yâhâwuap. Yawu otmâ yâk orop biwi nângân nângânyenane hikuakmâ konohâk otmu manmâ yâhâmbisâi.

⁴ Yawu manjetâ yâkne sâmu umatne topne topne yâhâpne ki teteyingiwuap. Me hâhiwin nângâm ki torokatmâ mannomai. Me ki mum kou kendâm ahonomai. Me yâhâpne gilâp âlâ ki iseanginomai. Wawaeyekmâ hâk sânduk yingimu tep âlep nângâm heron maron kaknan manmâ yâhânomai.” Yawu sâop.

⁵ Yawu sâmu Anitâ Kutdânenne yuwu sâmu nângâwan. “Sâmune emelâk âliwahap kerek biatsai. Yakât otmâ anjo kândikyongowoman. Den yan yu bulânanâk. Yakât otmâ yanje nângâm biwiyenan katmâ manjetâ biwiyene ki gewuap. Yawuhât den yan yu kulemgum katdâ talâk.

⁶ Nâne embânâmbâek hân himbim ki kândikyotgowan yapâek tatmâ gan. Niniâk kârikneâk tatmâ gan. Otmu tatmâ yâhâwom. Âlâlâhât topneâmâ nâ. Otmu nâhât sâtgât teteopgât nâhât sâtgât biatsap.

⁷ Lohimbi nombotne nâhâlen torokatmâ ki lohotne otbine manman kârikjahât to nene sâm otjetâmâ âlepne nâne torokatmâ hâmenje barak yingimune nem yâhânomai. Otmu lok âlâ me âlâne

nâhâlen biwiyenaje kepeim mannomai ya yengât nâje nine nanne baratne bulâje sâm meyekbom.

⁸Yawu gârâmâ lok bâleje yengât topyeje yuwu. Bukulipyenaje nângâm bâleyingimâihât lohimbi nombotjanje nâhât den pilâm hâkyeje ihiwe ihiwe otmu dâiakmâ hurunduŋ sâm ariwi. Yâhâ nombotjanjeâmâ biwi nângân nângânyenaje nâhâlen kepeim ki manŋetgât ihilâk tuhuyekbi. Nombotjanje den perâkŋe sâm kâirahowi. Me den mianŋgiwi. Me den gurukŋe sahanŋgiwi. Yâhâ nombotje kâwâ konda otmâ manbi. Me imbilipyenje betyenehen kionŋbi. Me loklipyenje betyenehen kionŋbi. Yâhâ nombotjanjeâmâ karasuŋa, me lok yengât sait, me hawat topŋe topŋe meminiwi. Yâhâ nombotje âlâjeâmâ Porom Lâpio topŋe topŋe tuhûm kânângâŋetâ kinmu yakât nângâŋetâ bulâje otmu yâkâlen biwiyenaje kepeim manbi. Lok yawuyaje hem nâpum kâlehen geŋetâ kâlâpŋe seyekmu hâhiwin kakŋan manmâ yâhâmbisâi. Yawuhât yâhâpŋe yapâ holaŋakmâ yahatmâ âi ya torokatmâ tuhunomaihât dop âlâ ki tap. Den yan yu bulâŋanâk.” Yawu sâop.

Kapi âiŋe, kutŋe “Yerusalem Anŋo” sâm, ya teteop yakât topŋe.

⁹Otmu aŋelo nombolân yâhâp lohimbi hilipyongowi yakât kondo ya mewi yâk yengâlen gâtŋe âlâje yuwu sâm eknohop. “Garâ Lama Nanŋe yâkât pat sâsâŋe ya tiripgohomune ek.” Yawu sâop.

¹⁰Yawu sâmu Wâtgât mâmâŋahât Heakŋe biwine mem purik pilâmu aŋelo yaje menekmu pumŋe pato âlâen yâhâwit. Yan yâhâ kinmune,

Anitâhât kapi âiņe, kutņe Yerusalem Anġo, ya him-bimâmbâ gemu ekban. Kapi ya ambolipņe Lama Nanņahâlen torokatne sâm menâleakmâ gewi.

¹¹ Otmu yan Anitâhât laņiņņe pato haonmâ ârândâņ sem kinmap. Sem kinmu yan kapi yaņe kaok tembaņ tembaņ olop.

¹² Otmu kapi yamâ dâmân kâlep pato yaņe kâlehen talop. Otmu yakât gahatņe kâiân yâhâp tap. Yâhâ aņelo kâiân yâhâp yaņeâmâ gahatņe yakât âlâku kândâk kândâk galemgum kinbi. Otmu Isirae lohimbi komot kâiân yâhâp yâk yeņġât kutyeņeâmâ gahatņan ikņiâk ikņiâk kulemgunġetâ tatmap.

¹³ Otmu kapi yakât dâmân tuhum hawamguwi yakât gahatņe yamâ ârândâņâk kalimbu kalimbu yawu katņetâ talop. Gahatņe yamâ betņehen kalimbu, otmu dâtâpņehen kalimbu, otmu ginņehen kalimbu, yawuâk yawuâk ya katņetâ tatmu ekban.

¹⁴ Otmu dâmân ya hoņ hoņ sâmap sâm kâtņak mem topņan kum kuratgum tâtâkuwi. Kâtņe kum kuratguwi yanâmâ aposolo kâiân yâhâp yâk yeņġât kutyeņe ya ikņiâk ikņiâk kulemgum katņetâ tatmap.

¹⁵ Aņelo yaņe kapam dop tuhu tuhu âlâ goliņak tuhuwi ya mem Yerusalem kapi aņġo yakât dop kuop.

¹⁶ Yâhâ kapi yakât dopņeâmâ âlâhât tipiņe. Yakât otmâ yakât ginņe ârândâņâk yakât dop yamâ 2500 kilomita yakât dop. Yâhâ yapâ topņe katmâ ewaken haņân upu lato yâhâop yamâ 2500 kilomita yakât dop. Nombot nombot yawuâk kerek.

¹⁷ Yâhâ yakât dâmânņeâmâ bapņan bapņan

dopņe 64 mita yawu.

¹⁸ Dâmân yamâ kât âlâ, kutņe Yasipa sâm, kaok muņgen muņgen yaņe tuhuop. Kapi yamâ goliņak pato tuhuop ya laņinņe pato pilâm imap.

¹⁹ Yâhâ dâmân yakât topņan kâtņak kum kuratguwi yakât topņe yuwu. Anġoân kuratguwi yakât kât kârikņe kaok muņgen muņgen, yakât kutņe Yasipa. Yâhâ yâhâpņe kât âlâ golâ golâ, kutņe Sapaia. Yâhâ kalimbunę kât âlâ kaok kâtâp metâp, kutņe Ahet. Yâhâ imbâtņe kât âlâ golâ golâ, kutņe Emerali.

²⁰ Yâhâ momenę yamâ kât kurinġ kâiâk mâiâk, kutņe Onikisi. Yâhâ yakât betņan kât âlâ kurinġ kurinġak, kutņe Konilian. Yakât betņanâmâ kât âlâ gimbanġ muņgen muņgen, kutņe Kirisolait. Yâhâ yakât betņanâmâ golâ kâiak mâiak, kutņe Bereli. Yakât betņanâmâ gimbanġ tekop tekop, kutņe Topasi. Yakât betņanâmâ golâ otmu ŋaonġ kâtâp metâp, kutņe Kirisopasi. Yakât betņanâmâ âlâmâ ŋaonġ ŋaonġ, kutņe Haiasin. Yâhâ bâiņe yamâ kurinġ kurinġak, kutņe Ametisi.

²¹ Otmu gahatņe kâiân yâhâp yamâ emet âli âliņe yamâ pitiņa hâkņe kândâkdâek yaņe tuhuop. Yâhâ kapi yakât mâtâp yâhâm gem otmai yamâ goliņak tuhuwi yamâ laņinņe orowâk belek belehâk yawuya.

²² Anitâhât kapi pato yamâ ikņe kai sombem yan Lama Nanġait tatmawot. Yakât otmâmâ yan opon kâmbukņe âlâ ki tuhunġetâ tap.

²³ Yanâmâ Anitâhât laņinņane irik irik sâm pilâm laņ laņ sâmap. Nenņe lambe mem saum katmunņe laņinņe pilâmap dop yawuya bia, ya waņġim dop âlâ otmap. Otmu Lama Nanņe ikņe laņinņane

pilâmu laŋ laŋ sâmap. Yakât otmâmâ sikop me omonġât emetsenŋe laŋinyetŋe ki pilawot.

²⁴ Yanâmâ kapi ambolipŋe yâkŋe yan yâhâm gem heronŋe maronŋe otmâ Anitâ yet Lama Nanŋe mepaeyelekmâ manmâ yâhâmbisâi.

²⁵⁻²⁶ Kapi yanâmâ laŋinŋe pato yaŋe pilâmu laŋ laŋ sâm âilonġo lonġo otmâ imu yakât kâlehen omon me, me kâtâp metâp, me yuwu yawu âlâ ki tatbuap. Yakât otmâ gahatŋe ki maŋgunomai. Inâk aŋ sâm kinmu yan lohimbiŋe yâhâm gem Anitâ yet Lama Nanŋe mepaeyelekmâ hon bayitgim manmâ yâhâmbisâi.

²⁷ Yakât otmâ lohimbi orotmeme bâleŋe otmâ manbi ya orowâk ki tatnomai. Yâhâ den perâkŋe sâminiwi ya gurâ yawuâk yan ki mannomai. Emelâk Lama Nanŋe ikŋe pat ya kuyiŋgim pepa âlâ mem kutyeŋe kulemġuop lohimbi yaŋak kâlehen yâhâm genomai.

22

Manman kârikŋe yakât topŋe

¹ Otmu aŋelo yaŋe manman kârikŋahât to senŋe âilonġo lonġo gam gemap yakât kakŋan gilik belek sâm imap ya tiripnohomu ekban. To senŋeâmâ Anitâ yet Lama Nanŋe yâk yetġâlen tap.

² Yapâ hindakmâ gem huhum liŋgarakmâ kapiân sombem ya ârândâŋ otmâ imap. Yawu otmâ imu manman kârikŋahât nak yaŋe to ya hâlâŋmâ nombot nombot kinmâ arap. Nak yakât kehetŋe yaŋeâmâ haonmâ emetsenŋe ârândâŋ bonŋeŋe âilonġo lonġo imu nem yâhâpŋe ki hiliwahonomai. Yâhâ esenŋe nem hâk sânduhân mannomai.

Neñetâ yan mesek me umatñe topñe topñe ya ki teteyiñgiwuap.

³ Otmu kapi yanâmâ Anitâhât kasalipñeâmâ ki ganomai.

Anitâ yet Lama Nanñe yâk yetgât kaweyetñe yan tatmu lohimbi kerekñe mepaeyelekmâ hon bayitgim manmâ yâhâmbisâi.

⁴ Yâhâ lohimbi kerekñe Kutdâyeñahât senñan manñetâ ikñe kutñañeâmâ yâk yeñgât meteyenñan kulemgumu tatbuap.

⁵ Yâhâ Anitâ ikñahâmâ yâk yeñgât lañinñe pato otmâ yâhâwuap. Yakât otmâmâ sikop yañe ki pilâwuap. Yanâmâ yâhâpñe omoñ âlâ ki tetewuap. Yakât otmâ lambe ki miakmâ mannomai yamâ Anitâhât lañinñan tatmâ yâhânomaihât torokatmâ hâk sânduhânâk mannomai.

Bulâñanâk Yesuñe yâhâpñe âwurem gewuap.

⁶ Yâhâ ya pesuk sâmu yakât kakñan anelo yañe den yuwu sâm eknohop. “Den yan yuâmâ bulâñe gâñgâñâk miap. Emelâk Anitâñe Wâtgât mâmâñahât Heak hâñgâñgumu poropete yeñgâlen tetem yâkât den sâm tetem ekyongop. Dop yawuâk Anitâñe nâ hâñgâñnohomu âlâlâ topñe topñe tetewuap yakât tiripgohomune eksat.” Yawu sâop.

⁷ Yawu gârâmâ emelâhâmâ Yesuñe yuwu sâop. “Nâmâ yeñgâlen burunduñâk takawomgât sâp tâlâhuap. Yen pepa yu sâlikum den yan yu lâum mannomai yanâmâ âlepñe. Den yan yukât bulâñe yeñgâlen tetewuap.” Yawu sâm eknohop.

⁸ Yâhâ nâ den kulemguan yu emelâk nâñgâwan. Otmu âlâlâ tetewuap ya gurâ ekban. Aneloñe yu

me ya tetewuap ya tiripnohopgât yâkât gotņan bam mepaewe sâm otban.

⁹ Yawu otmuneâmâ yuwu sâm eknohop. “Kâmbuk, pilânek. Nâ gurâ gike yuwuya. Nerâmâ Anitâhât hoņ bawa. Gâ otmu gâhât bukulipge nombotņe yeņe Anitâhât den sâm tetem ekyongom mansai. Otmu nâ gurâ yeņe oai yawuâk otmâ mansan. Lohimbi nombotņe pepa yu sâlikum ekmâmâ Anitâhât den lâum manmâ hoņ bawaņginomai. Otmu nâ gurâ yawuâk hoņ bawaņgiwom. Yakât otmâ yen me nâ yamâ Anitâ otmu Yesu yâk yetgâlâk nâņgâm mepaem yâhânôm.

¹⁰ Otmu den yukât bonņe tetewuap yakât sâp tâlâhuap. Yakât otmâ gâmâ Anitâhât den yuâmâ pepaen kulemgum katmâ yan ki mem kurihi-wuat. Tetekņan lohimbi senyenņan sâm mem mewalakum tiripyongowuat.

¹¹ Otmu Lama Nanņe burunduņâk takawuap yakât sâpņe utâpguap. Gârâmâ lohimbi nombotņe orotmeme bâleņe otmâ manmaiņe torokatmâ otmâ yâhânomai. Yâhâ lohimbi nombotņeâmâ orotmeme âlepņe otmâ Anitâhât tem lâuwaņgim manmai yaņeâmâ yawuâk otmâ manmâ yâhânomai.” Yawu sâop.

¹² Yawu sâm tiņ pilâmu Yesuņe yuwu sâm eknohop. “Nâ yuwu sâmune nâņgâ. Sâp ki kâlep otmuâk âwurem gewom. Nâņe lohimbiņe otbi mewi yakât matņe mem kâpekmâ âlâku amboņan amboņan yiņgimune menomai.

¹³ Nâmâ Anitâņe hân himbim ki kândikyotgop yapâek tatmâ gan. Otmu tatmâ yâhâwom. Otmu nâmâ âlâhât amboņe. Wahap yu me ya hânân yuân

katyekban ya kerehâk nângâm meteyeksan.

14 Nâmâ lohimbi yengât kunyeje pato. Lo-himbiñe nâhâlen biwiyenaje kepeim manmâ gai yâkñe Anitâhât kapi ya ambokunomaihât pat kuyiñgiwan yamâ âlepñe ambokum mannomai. Otmu nâñe manman kârikñahât sot yingimune menomai yan ârândânâk nem torokatmâ manno-mai.

15 Yawu gârâmâ lohimbi nombotñe Anitâhât hâkân otmâ mansai, me senñe âlâlâ ihilâk mahilâk gulip malap otmâ torokatmâ manmâ gai, me lo-himbi nombotñe kasa otyingim yongom manmâ gai, me nombotñe hânân âlâlâ Porom Lâpio topñe topñe yakât nângâñetâ bulâñe otmu yâk yengâlen biwi nângân nângânyenaje kepeim manmâ gai, me manman bâleñe yakât mâtâwân torokatmâ otmâ manmâ gai, me den perâkñe sâm kâirahom kombo mianjim gai, me den mem manmâ gai, yamâ An-itâñe dâiyekmâ ikñan katyekbuapgât dop âlâ ki tap. Yâhâmâ dâmân yaehen tatmâ hâhiwin nângâmbisâi. Yawu.

16 Nâ ahonakmune nângâ. Nâmâ Yesu. Nâmâ Dawitihât sen. Nâmâ pitu kâmñe pato emet ki orotok sâmuâk tetemap nâmâ yakât dop. Nâhât sâtgât añelo ya gem den ya sâm ekgohoap. Yawu gârâmâ gâñe den ya nângâm nâhât komot ya sâm tetem ekyongowuat.” Yawu sâop.

17 Yawu gârâmâ Yesuhât pat manmai ya Yesuñe getek ge menenehâkgât biwiyenaje kilik kilik sâmu Yesuhât mambotmâ mansai. Otmu yen nombotñaje ekap yu ekmâ sâlikunomai yan yenâmâ getek teteâhâk yawu nângâñet. Otmu getehâk tetem gewomap yakât otmâ yen

nombotņe manman kârikņahât tohât biwiyene kilik kilik sâmap yenâmâ in yawu biwiyenaje Yesuhâlen katņet. Yawu otnomai yanâmâ Yesuņe tep âlep nâņgâyiņgim meyekmu yâk orop manman sânduhân torokatmâ manmâ yâhânomai.

¹⁸ Nâņe den yu bulâņe tetewuap yakât yu tâņ tâņâk ekmâ nâņgâm kulemguan. Yawu gârâmâ lok âlâ me âlâņe den yu tatmu ya wangim yeņe nâņgân nâņgânyeņe watmâ den âlâ torokatmâ sânomai yaņeâmâ hâmbâi matņe umatņe menomai.

¹⁹ Yâhâ lok âlâ me âlâņe den yu nâņgâņetâ tâņât otmu mem ge katmâ yeņe eņgatyeneâk den âlâ torokatmâ sânomai ya gurâ matņe umatņe menomai. Anitâņe ikņe kapi âilonņo yakât pat kuyiņgiop ya bâtyeņan hindâwuap. Otmu ikņe kapiân yâhâ manman kârikņahât nak kehetņe nenomaihât mâtâp maņguyiņgiwuap. Yawu teteyiņgimapgât girem den yan yu nâņgâm biwiyenjan katmâ manmâ yâhânomai.

²⁰ Otmu Yesuņe den yukât bulâņe oap yakât ikņak yuwu sâop. “Nâ ninak sâmune nâņgâņet. Nâmâ burunduņâk takawomgât sâp utâpguap.” Yesu ikņak yawu sâop. Otmu den sâop yakât bulâņe teteâkgât naņgan. Getehâk tetem giâkgât naņgan. Yesu Kutdânenņe gâ hoņâk taka.

²¹ Otmu Yesuņe dikin kârikin otningimu yakât amutgen nelâm manne. Bâiņ. Pesuk yap. Yawu.

Yesuât Den Pat Âlep̄e
The New Testament in the Selepet Language of Papua
New Guinea
Nupela Testamen long tokples Selepet long Niugini

copyright © 1986 Wycliffe Bible Translators, Inc.

Language: Selepet

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 18 Apr 2025 from source files dated 31 Aug 2023

995083d2-705e-5a60-af47-1e36806ccbc